




9

6
12

W 514 -



ԿՐԹԱԿԱՆ ԵՒ ԶԲՈՍԱԼԻ

S E S E C I N E E

Ե.

ԲԵՐՈՅԵԿԱՆ ՎԵՊԵՐ

Կ Ա Մ

ՏՀԱՑ ՍԻՐՏԸ ԿՐԹԵԼՈՒ

ՅԱՐՄԱՐ

ՊԵՏՄԱԿԹՈՒՆԵՐ

Հ Ա Տ · Ե ·

Վ Ե Լ Ե Ր Ե

ՊԱՇՏՊԱՆ Ս · ԱՍՏՈՒՄԵԱՆԻ ՎԼԱՆՔԸ

1850 · Ռ Մ Դ Թ

2038-WR

ԲԵՐՈՅԱԿԱՆ ՎԵՂԵՐ

ԵՐԵՒԱԿԱՆ

ԿԱՄ

ԲԱՐԵՐԱՐՈՒԹԵԱՆ ՎԱՐՉՔՆ ՈՒ ԶԱՐՈՒԹԵԱՆ ՊԱՏԻԺԸ

Ա. Բարեւարութեան :

ՕՇՈՒՐԻԿԵԳԻՆ գաւառին բարձր լեռներէն մէկուն վրայ շինուած ֆալքենպուրկի հին դղեակին մէջ՝ շատ դարեր յառաջ թէոպալտ անուամբ ազնուական ասպետ մը կը բնակէր Օդդիլիա իր ամուսնոյն հետ : Առ ասպետը շատ ազնուամիտ, առատաձեռն եւ քաջ էր, ու մօտ տեղերուն վշտացեալներուն ամէն տեսակ օգնութիւնը կ'ընէր : Իր ամուսինն ալ շատ բարեսիրտ էր, այնպէս որ մերձակայ խրճիթներուն մէջ եղող աղքատներուն եւ հիւանդներուն այցելութիւն կ'ընէր, եւ իր դղեակը՝ օգնութեան կարօտ եղող գժքախտ մարդիկներուն ապաստանարանն էր եղած : Իրենց՝ ութը տարւան միակ աղջիկն Ագնէս ալ իր մօրը պէս գթած ու բարի էր, եւ ուրիշներուն բարիք ընելէն աւելի ուրախական բան չէր կրնար ըլլալ իրեն : Ասոր համար ալ թէ ինք եւ թէ իր ծնողքը՝ բոլոր շրջակայ տեղերուն բնակչացը սիրելի էին, եւ Աստուծոյ օրհնութիւնը յայտնապէս վրանին էր :

Ամառուան գեղեցիկ օրուան մէկը՝ Օդդիլիա եւ իր աղջիկը սեղանեն վերջը դղեակին քովի պարտեզն իջած էին : Քիչ մը պարտելէն ետքը՝ ձողաբարձի մը տակ նստեցան, եւ որբ աղջկան մը համար շինած զգեստնին լմբնցրնելու ետեւէ կ'իյնային : Ամէն կողմ հանդարտութիւն ու լուռութիւն կը տիրեր . մօտ ծառի մը վրայ կեցած թխկատարի մը սիրուն ԲԱՐ. ԱՀՊ.

Երդէն եւ պարտիզին մէջտեղի շատրուանին քաղցր կարկաջին ուրիշ բան չէր լսուեր : Մէջ մ'ալ մէկէն ի մէկ խշըրտոց մ'ելաւ . մեծ թռչուն մը խոյացած ձողարարձին վրայէն անցած էր . բայց այնպէս շուտով կը թռչէր որ չկըցան աղէկ մ'որոշէլ : Աչուրնին վեր վերցուցին , շատ մեծ յափշտակիչ թռչուն մը տեսան , որն որ կ'երեւար թէ որսի մը ետեւէն էր : Նշն ատեն քովի թփերնուն մէջ շարժում մ'եղած էր , իբրեւ թէ պղտիկ կենդանի մը հոն պահուըտած ըլլայ : Մեծ թռչունն իրենցմէ վախնալով՝ ձողարձին վրայէն անցած դացած էր : Ազնէս այնպէս այլայլած էր , որ չէր համարձակեր աշուրները չորս դին դարձրնել կամ երթալ նայիլ որ յափշտակիչ թռչնոյն խոյացած ատեն՝ թփերուն մէջ պահուըտողն ինչ է : Մի վախնար , աղջիկս , ըստ մայրը ծիծաղելով , անտարակցս ճնճղուկ կամ ուրիշ պղտիկ թռչուն մըն է , որն որ յափշտակիչ թռչնոյն մագիլներէն գախնելով՝ եկած հոս պահուըտած պիտ'որ ըլլայ : Աս ըսելով սկսաւ փնտուել , եւ քիչ մը ետքը կանչեց . Նայէ , պղտիկ սիրուն աղաւնի մըն է եղեր , ձեան պէս ճերմակ , որ վախնէն եկեր կոնակդ , դրեթէ ոտուրներուդ տակիլ պահուըտեր է : Ետքը աղաւնին բռնելով եւ Ազնէսին նայելով՝ Աս իրիկուն , ըստաւ , կը խորովենք կ'ուտենք :

Ի՞նչ կըսես , սիրելի մայր , խորովենք , պատասխանեց շուտ մը Ազնէս , եւ ձեռուըներն աղաւնոյն վրայ տարածելով , իբրեւ թէ կ'ուղէր մահուընէ աղաւել : Ո՞հ , սիրելի մայր , անկարելի է որ աս խօսքը սրտանց ըստած ըլլաս : Աս թռչունն իմ քովս ապաստանեցաւ . ի՞նչպէս կընամ մեռցընել : Նայէ ի՞նչպէս աղուոր է . ստուգիւ ձեան պէս ճերմակ է . իր պղտիկ կարմիր ոտուրներն ալ ինչպէս սիրուն են . Ո՞հ , մայր , կ'աղաւեմ , նայէ ի՞նչպէս սիրտը կը նետէ , ի՞նչպէս երեսս կը նայի . կարծէս թէ կ'աղաւէ որ ի-

ըեն չարիք մը չընեմ։ Զէ, սիրուն աղաւնիս, քեզի
ամենեւին չարիք ընող չ'ըլլար։

Հատ աղէկ, աղջիկս, ըստ մայրն ուրախու-
թեամբ, միտքս իմացար, ես ուղեցի միայն զքեզ
փորձել. զնա աս թռչունը սենեակդ տար եւ ու-
տելու բան մը տուր։ Պէտք չենք մերժել ան տա-
ռապեալները՝ որոնք մեր քովը ապաստանարան կը¹
խնդրեն. պարտքերնիս է գութ ցուցընել վշտաց
մէջ ըլլուներուն, նոյն իսկ կենդանեաց ալ։

Բ. Աղաւնին բարի օրինակ։

Ագնեսին մայրը շուտ մը պղտիկ աղուոր աղաւ-
նետուն մը շինել տուաւ, որն որ աղջիկն իր սե-
նեակին մէկ կողմը դրաւ, եւ ամեն օր կը հոգար ու-
տելիք կու տար, ջուրը կը փոխէր, երբեմն երբեմն
նաեւ յատակին աւազն ալ կը նորոգէր։ Աղաւնին քիչ
մը ետքը Ագնեսին ընտանեցաւ, աղաւնետան դուռը
բանալուն պէս՝ կ'ելլէր կու գար, ձեռքին մէջի գարին
կ'ուտէր։ Ալ հարկաւոր չէր մէջը դնել ու դուռը
դոցել. աղաւնին ինք իրմէ ներս կը մտնէր եւ կը
կենար։ Առտուանց կանուխ երբ որ գեռ Ագնես
քուն կ'ըլլար, աղաւնին կու գար բարձին վրայ կը
նստէր եւ մինչեւ որ չելլէր իրեն կերակուր չբե-
րէր նէ՝ ամենեւին հանդիսա թռող չէր տար։ Օր մը
Ագնես ասոր վրայ մօրը տրտունջ ընելէն ետքը՝ ը-
սաւ որ Ես գիտեմ ինչ կ'ընեմ, որպէս զի մէյ մ'ալ
չդայ զիս քնոյս մէջ անհանգիստ չընէ. իրիկուննե-
րը աղաւնետան դուռը կը դոցեմ, առտուանց ես
չբացած՝ դուրս չիկնար ելլէլ։ Զէ, ըստ մայրը,
անոր տեղը՝ աս պղտիկ կենդանիկն առտուըները
կանուխ ելլէլ սորվէ, անկից աւելի օգտակար բան
չկայ առողջութեան համար։ Ի՞նչպէս կրնաս յանձն
առնել որ աղաւնիէ մը աւելի ծոյլ ըլլաս. ես քու
տեղդ ըլլայի՝ կ'ամընայի։ Ան ժամանակէն Ագնես
սկսաւ կանուխ ելլէլ։

Օր մը երբ որ Ագնէս բաց պատուհանի մը քով նստած կար կը կարէր, աղաւնին՝ որն որ քովը կեցած՝ հացի փշանկները կը ժողվէր կ'ուտէր, մէկէն ի մէկ թռաւ պատուհանէն դուրս ելաւ, դնաց մօտ տան մը տանիքին վրայ կեցաւ։ Ագնէս սկսաւ բարձրածայն լու եւ աղաւնին կորսակեան վրայ ողբալ։ Մայրը վազեց եկաւ. Ի՞նչ ունիս, ըստ։ Ո՞չ, աղաւնիս, պոռաց Ագնէս, ջերմ արցունքներ թափեւ լով եւ ցուցընելով տանիքը՝ որուն վրայ փախած թռչունը կը կենար արեգակէն տաքնալու համար։ Կանչէ մէյ մը նայինք, ըստ մայրը. Ագնէսն ալ կանչեց. մէյ մ'ալ աղաւնին թռաւ եկաւ, Ագնէսին երկրնցուցած ձեռքին վրայ նստաւ։ Ագնէս աս սքանչելի հնազանդութեան վրայ զարմացաւ։ Ան ատեն մայրն ըստաւ. Ի՞նչպէս որ աս աղաւնին քեզի հնազանդ է, թէ որ դուն ալ ինծի հնազանդ կ'ըլլաս նէ, քու ունեցած ուրախութենէդ աւելի մեծ ուրախութիւն կը պատճառես ինծի։ Աս ուրախութիւնը կու տաս ինծի, այնպէս չէ՞ մի։ Ագնէս խօսք տուաւ, եւ խօսքը բռնեց։

Վնդամ մը Ագնէս պարտիզին ջուր տալով յոդնեցաւ, եւ եկաւ մօրը քովը խոտի վրայ, շատրուանին մօտ նստեցաւ։ Աղաւնին ան ատեններն այնչափ ընտանեցած էր, մինչեւ Ագնէս թող կու տար որ աղատ պարտի. ուստի եկաւ աւազանէն ջուր խմելու սկսաւ։ Նայէ, մայր, ըստ Ագնէս, ի՞նչպէս զգուշութեամբ կը քալէ, մէկ քարէն մէկալ քար կը ցատքէ, որ պէս զի ստուրները չաղտոտին։ Ի՞նչպէս վրան մաքուր կը բռնէ, ձերմակ փետուրներուն վրայ արատ մ'ալ չիտեսնուիր։ — Իսկ Ագնէս երբեմն երբեմն ինչչափ անմտադիր ու աղտոտ կ'ըլլայ, ըստ մայրը, Ագնէսին ձերմակ զգեստին վրայ աղտ մը ցուցընելով։ Ագնէս աս խօսքէն ամրչցաւ, եւ անկից վերջը զգեստը միշտ մաքուր կը բռնէր։

Վիչ մը ժամանակէն վերջը Ագնէս մօրը հետ
պղտիկ ճամբորդութիւն մ'ըրաւ։ Տուն դարձած ա-
տեն՝ աղաւնին շուտ մը թռչելով դէմն ելաւ, եւ
մեծ ուրախութիւն ցըսուց։ Բոլոր ձեր հոս չեղած
ատեն՝ աղաւնին տրատում տխուր կը կենար, ըստ ա-
ղախինը, ամէն աեղ զձեղ կը փնտուեր։ շատ կը
զարմանամ որ առանց խելքի կենդանի՞մը իր բա-
րերարն այսպէս ճանչնայ ու հետն այսպէս կապուի։
— Ասոյդ է որ, պատասխանեց Ագնէս, իրեն քիչ մը
խնամ տանելուս համար՝ չափէ դուրս երախտագէտ
է ու մեծ սէր կը ցուցընէ։ Խոկ դուն, սիրելի՛ աղ-
ջիկս, ըստ մայրը, դուն ալ իրեն պէս միշտ երախ-
տագիտութիւն ունի՞ս, այսօր այնչափ զբօսնէք ըրիր,
մէյ մը մտածեցի՞ր որ ասոր համար Աստուծոյ շնոր-
հակալ ըլլաս։ ամօթ չէր ըլլար թէ որ երախտա-
գիտութեան պէս գեղեցիկ առաքինութեան մը մէջ
աղաւնիէն վար մնայիր։ — Ագնէս կարմրյաւ, որով-
հետեւ մայրն իրաւոնէք ունէր։ եւ անկի վերջը ամէն
օր՝ ունեցած ուրախութիւններուն եւ ընդունած բա-
րիքներուն համար միշտ պտուկելէն յառաջ Աստու-
ծոյ շնորհակալ կ'ըլլար։

Ագնէս օր մը առտուանց կանուխ դործելու սե-
ղանին առջեւը նստած էր. աղաւնին եկաւ սեղանին
ծայրը կեցաւ եւ քաղցր ու անմեղ աչուրներովն
սկսաւ իրեն նայիլ։ Աղջիկն աղաւնին իրեն կանչեց
եւ սիրելով ըստ։ Քեզի շատ պարտաւոր եմ, որով-
հետեւ դուն ինձի շատ բան սորվեցուցիր։ — Գեռ
ուրիշ բաներ ալ պիտի սորվեցընէ, ըստ մայրը։
Աս աղաւնին անմեղութեան գեղեցիկ օրինակ է։
Պարզամիտ է, ամենեւին չարութիւն, կեղծաւորու-
թիւն ու խորամանկութիւն չունի։ Երանի՛ թէ դուն
ալ այսպէս պարզամիտ ըլլայիր, եւ կեղծաւորու-
թիւնը, խաբէտութիւնն ու ամէն կերպ չարութիւն-
ները սրտէդ հեռու ըլլային։ Երանի՛ թէ վրադ խօ-

սուած ատեն ըսուէր թէ Աս աղջիկն աղաւնիի պէս
անմեղ ու պարզամիտ է:

Գ. Ընկերութեան:

Եղն ատենները թէուպալու ասպետը ան կողմերը
սաստիկ գողութիւն ու աւազակութիւն ընող խումբ
մը ապիրատ չարագործներու վրայ գայած, մէ-
ջերնէն քանի մը հոգի գերի բռնած ու բոլոր գուն-
դը ցրուած էր, որով հանդարտութիւնն ու ապա-
հովութիւնը հաստատուած էր: Իրիկուն մը ամու-
սնոյն ու աղջկան հետ նստած՝ նոյն դէպքին պատ-
մութիւննը պատմած ատեն՝ մէյ մ'ալ սեւեր հա-
գած տիկին մը ներս մտաւ սգոյ զգեստով աղջկան
մը ձեռքէն բռնած: Թէուպալու, Օդդիլիա ու Ադ-
նէս ոտք երան ու տիկիննը սիրավ ընդունեցան, որն
որ աս կերպով խօսեցաւ աշուրներէն արցունք թա-
փելով: Աստուած հետերնիդ ըլլայ, ազնուական
ասպետ: Ես Հոհենպուրիկեանց ասպետին կինը Ռողա-
լինան եմ, աս աղջիկը իմ Յուլիանէ զաւակս է: Գու-
ցէ գլուխս եկած գժբախտութիւններն իմացած էք:
Էրիկս քաջ Ադալրիկոսը անցած տարւան պատե-
րազմին մէջ վիրաւորուելով մեռաւ: Դուք զինքն ա-
ղէկ կը ճանչնայիք. գիտէք որ ինչպէս քաջ, հայ-
րենասէր ու վեհանձն էր: Ինք աղէկ ամուսին եւ
աղէկ հայր էր. բայց միանգամայն առատածեռն ո-
աղքատասէր ըլլալով՝ շկրցաւ մեղի շատ մեծ հարրո-
տութիւն թողուլ: Աակայն ձգած չափաւոր ժառան-
գութիւնն ալ ձեռքերնէս յափշտակել կ'ուզէն: Եր-
կու մօտաւոր ասպետներ ինծի մեծ անհանդստու-
թիւն կը պատճառեն: Մէկը զանազան պատճառ-
ներով՝ մինչեւ գղեակին պատերուն քովը աարա-
ծուած դաշտերն ու մարգագետինները կ'ուզէ ձեռ-
քէս առնել. մէկալն ալ կը ջանայ որ անտառներս
յափշտակէ: Աս երկու ասպետները՝ որոնք յառա-
ջագոյն էրկանս բարեկամներն էին, հիմայ մեր սաս-

տիկ թշնամիներն եղած են, ու իրարու հետ միաբաննելով՝ կը ջանան անիրաւութիւննին գլուխ հանել: Ա'երեւայ որ իմ՝ Ադալրիկս աս բանը յառաջազն կը գուշակէր, վասն զի մեռնելու ժամանակ ձեր անունը յիշեց: Յստդ Աստուծոյ վրայ դիր, ըստ, եւ վստահ եղիր Թակոպալտ ասպետին...: Ո'վ մեծասիրտ ասպետ, հանգուցելոյ մը վերջին կամքը կաարեցէք: Թաէ որ մէկ օր մը, Աստուծո չընէ, դուք ալ իմ՝ Ադալրիկիս վիճակն ունենայիք, եւ ամուսիննիդ ու աղջիկնիդ հիմա մեր ունեցած նեղութեան մէջ իյնային, չէիք բաղձար որ մեր ձեզմէ խնդրած օդնութիւնն իրենք ալ դանեն:

Ես ատեն Յուլիանէն՝ որ գրեթէ Ագնեսին տուրիքն էր, համեստութեամբ մը մօտիկցաւ ու լալով ըստ. Ո'վ աղնուական ասպետ, ես հայր չունիմ, ասկից եաքը մեր պաշտպանը դուք եղէք, եւ զմեզ երեսէ մի ձգէք:

Թաէոպալտ առանց պատասխան տալու՝ ծանրութեամբ մը կեցած գետինը կը նայէր: Իսկ Ագնեսին սիրան ելելով՝ իր արցունքն ու աղաչանքն օտարականներուն աղաչանաց ու արցունքին միայուց եւ ըստ. Սիրելի՛ հայր, կ'աղաչեմ աս երկու խեղճ տիկնանց վրայ գթա: Մէկալն օր երբ որ աղաւնին անգղէն հալածուելով՝ իմ քովս ապաւինեցաւ, մայրս ինձի ըստ որ Ամենեւին պէտք չէ որ մերժենք մեղի ապաւինող գժբախտները, եւ մեծ գուհութիւն ցուցուց երբ որ տեսաւ որ ես ան խեղճ կենդանւոյն գթացի: Բայց աս օրիորդն ու իր մայրը աղաւնիէ մը աւելի գթոյ արժանի չեն: Ո՛հ, հայր, անգղներու նմանող անիրաւ ասպետներուն ճանկէն զանոնք աղատէ:

Ապահով եղիր, սիրելի՛ զաւակս, պատասխան տուաւ Թաէոպալտ շարժած ձայնով մը, Աստուծոյ օդնութեամբը զիրենք կը պաշտպանեմ. արդէն պա-

տասխան չտալուս պատճառն ան եր որ զիրենք աղաւ-
տելու միջոցներուն վրայ կը մտածէի :

Ծնթրեաց ատեն Ռոզալինտ իր թշնամիներուն
բերած պատճառները թէոպալտին խմացուց, որմէ
ասպետը շուտ մը անոնց պահանջման անիրաւ ըլլալը
տեսաւ, եւ Ռոզալինտին խոստացաւ որ երկրորդ օ-
րուընէ սկսեալ՝ փութով նոյն գործքին ետեւէն իյ-
նայ, եւ միանդամայն աղաչեց որ մինչեւ որ ինք
դառնայ նէ՝ իրենք իր դղեակին մէջ կենան : Ռոզա-
լինտ երախտագիտութեան արցունքներ թափելով՝
չնորհակալ եղաւ : Իրօք ալ թէոպալտ երկրորդ օրը ար-
շալուսին ձի հեծնելով՝ իր մարդիկներովը գնաց :

Ադնէս՝ Յուլիանէին քանի մը օր իր քովը կե-
նալուն վրայ շատ ուրախացաւ : Առաւ զինքն իր
խուցն ու ետքը պարտէղ տարաւ, ամէն տեղ պտըտ-
ցուց, ամէն բան ցուցուց : Աս երկու աղջիկները շուտ
մը մտերիմ բարեկամութեամբ իրարու հետ կապուե-
ցան, որովհետեւ Յուլիանէն աղէկ կրթուած էր
եւ միանդամայն քաղցր բնութիւն ունէր :

Վանի մը օր ետքը թէոպալտ ասպետն ետ դար-
ձաւ ու սրահէն ներս մտած ատեն՝ սկսաւ կանչել.
Աչուընիդ լոյս, թշնամիներնիդ իրենց պահանջմուն-
քէն ետ կեցան . ալ կռուոյ կամ խոռվութեան տեղ
չմնաց, ամէն բան լմբնցաւ : Առջի բերան ըրած յոր-
դորանքներս բանի տեղ չէին գներ, բայց երբ որ
սպառնացայ որ եթէ հանդարտ չեն կենար՝ իրենց
դէմ պատերազմ կը բանամ, ան ատեն հանդար-
տեցան : Ալ ապահով ու հանդիսաւ եղէք, ամենեւին
զձեղ նեղող չըլլար : Ո՞հ, կանչեց տիկինն ուրախու-
թեամբ ու երախտագիտութեամբ, Աստուած ձեր
մէծանձնութիւնն արժանապէս վարձատրէ, ու միշտ
ընտանիքնիդ պահպանէ :

Ետքը սկսաւ պատրաստութիւն տեսնել Հոհեն-
պուրկ դառնալու : Իրարմէ բաժնուած ատեննին՝ Ագ-

նէս իր բարեկամին ուղեց յիշատակ մը տալ: Յու-
լիանէն շատ անդամ ցուցուցած էր որ շատ կը բաղձայ
անոր աղաւնոյն պէս ընտանի աղաւնի մ'ունենալու:
Ագնէս առաւ իր աղաւնին, պատաւ եւ իր բարեկա-
մին տուաւ: Յուլիանէն ընդունել չուղեց, եւ անոր
համար ալ մէջերնին բարեկամական հակառակու-
թիւն մ'ելաւ. բայց վերջապէս ստիպուեցաւ զի-
ջանիլ: Ագնէս գեղեցիկ վանդակն ալ իրեն տուաւ,
ու յանձնեց որ աղաւնին աղէկ նայի:

*իւրերն երթալէն վերջը՝ Ագնէս աղաւնին տա-
լուն վրայ սկսաւ զղջալ, եւ կ'ըսէր թէ Աւելի պէտք
էր օղամանեակս տայի: Մայրը պատասխան տուաւ
որ Նոյն պարզեւն ուրիշ անդամ մը կրնաս տալ,
բայց աս անդամ աղաւնին յարմար բան մը չեիր
կրնար տալ: Թէ որ ծանրագին բան մը տայիր նէ
գուցէ կ'ամընար, եւ ան ստոյգ է որ աղաւնոյն չափ
հաճելի չէր ըլլար: Անոր համար ըրածիդ վրայ մի
ցաւիր, թէ որ հայրդ նաեւ իր կեանքը վտանգի
մէջ դրաւ, որպէս զի նեղութեան մէջ գտնուող այ-
րին աղատէ, դուն ալ մէծ բա՞ն ըրած կը սեպուիս
ոիրած աղաւնեակդ տալով խեղճ որը աղջկան մը՝ ո-
րուն նոյնը մէծ ուրախութիւն կը պատճառէ: Պէտք
է որ մարդս պղատիկուց սորվի իր ընկերներուն երջան-
կութեան համար՝ իրեն հաճելի եղած բաները զո-
հել: Ասանկ զոհերն Աստուծոյ հաճոյ են, եւ ա-
ռանց վարձքի թող շիտար:

Դ. Երիս ու ուկոպասորդ:

Ոսղալինտ տիկինը թշնամիներէն աղատելով՝ Յու-
լիանէ աղջկանը հետ մէկտեղ հանգիստ եւ ուրախ
կեանք մը կ'անցընէր իր հին դղեակին մէջ, որն որ
լեռնոտ եւ ծառերով ծածկուած անտառախիտ եր-
կրի մը մէջ շինուած էր: Իրիկուն մը ուշ ատեն եր-
կու ուխտաւորք եկան դղեակին դրան առջեւ, եւ ա-
ղաւեցին որ նոյն գիշեր հոն մնան: Ասոնք նոյն տե-

սակ ճամբորդներուն սովորութեան համեմատ՝ միժագոյն կտաւէ շինուած երկայն զգեստներ հագած էին, ձեռուընին երկայն ու հաստ գաւաղան ունէին եւ գլխարկնին խեցեմորթներով զարդարուած էր: Դըռնապանը տիկնոջն իմացուց, ան ալ հրաման տուաւոր զանոնք վարի սրահներէն մելլը տանին, եւ իրենց կերակուր պատրաստեն: Կերակուրնին ուտելէն ետեւ՝ Ռողալինտ եւ Յուլիանէն զանոնք տեսնելու համար վար գացին:

Ուխտաւորք Պաղեստինի վրայ իրենց զանաղան պատմութիւններ պատմեցին: Բոլոր դղեակին մարդիկները խօսքերնին մտադրութեամբ մտիկ կ'ընէին. բայց ամենէն աւելի Յուլիանէն շատ մեծ հաճութիւն կ'ունենար ան սքանչելի պատմութիւնները լսելով: Խօսքերնուն մեջ ուխտաւորները մերձակայ տեղերուն եւ մասնաւորաբար Ֆալքենպուրկի դղեակին վրայ տեղեկութիւն առին: Թէովալտ ասպետին վրայ մեծ գովութեամբ կը խօսէին: Մէջերնէն ծերագոյնն ըստ որ Եթէ նոյն դղեակը մեր ճամբէն այնչափ հեռու չըլար, կամ թէ որ ստուգիս դիանայի որ ասպետն հօն կը դանեմ, զինքը տեսնելու համար սիրով ճամբաս քիչ մը կ'երկրնցընէի: Ռողալինտ պատասխան տուաւոր ֆալքենպուրկի դղեակը ձեր ճամբէն հեռու չէ, եւ միանդամայն թէովալտ ասպետը դեռ արշաւանքէ մը նոր ետ դարձած ըլլալով՝ հաւանական է որ զինքը դղեակը կը գտնէք: — Անանկ է նէ, ըստ ծերը, պէտք է որ իրեն այցելութիւն մ'ընեմ, վասն զի հետոր խօսելու բան ալ ունիմ, վաղը կ'երթանք:

Ուղղալինտ եւ իր աղջիկն ուխտաւորներուն ապաւպրեցին որ շատ բարեւ ընեն թէովալտ ասպետին, իր կողակցին եւ իր աղջկան: Յուլիանէն իրենց քիչ մը ճամբու ստակ ալ տուաւ, եւ աղաչեց որ Ազնեսին ըսեն թէ աղաւնին ողջ առողջ է: Բարերար տիկինն անոնց աս ալ խոստացաւ որ իր ծառաներէն

մէկն իրենց առաջնորդ կու տայ, որպէս զի դիւրութեամբ երթան:

Երկրորդ առտու կանուխ ուխտաւորներն իրենց առաջնորդին հետ ճամբայ ելան: Աս առաջնորդը՝ Լէոնարտոյ անունով աշխոյժ եւ զուարթ երիտասարդ մըն էր, որն որ իրենց բեռն ալ ձեռութներնէն առատ տանելու համար: Ուխտաւորները իրեն ամենեւին միտ չէին գներ, եւ քանի որ ճամբան դար վեր դար վար էր՝ լուութեամբ ետեւէն կ'երթային, բայց երբ որ ճամբան շխտակցաւ, սկսան մէջերնին խտալերէն խօսիլ: Իրենց հետ գացող երիտասարդն խտալացի էր. Աղալրիկ ասպետը Լոմպարտիայի գեղի մը մէջ իրեն պատահելով, վրան գթացած եւ զինքը մէկտեղ առած գերմանիա բերած էր: Հոն թէպէտ եւ աղէկ գերմաներէն սովորած էր, բայց իր մայրենի լեզուն ալ չէր մոռցած: Ուստի երբ որ խտալերէն խօսելնին լսեց, մէկէն կ'ուզէր իր աղղակիցներուն պատահելուն համար ունեցած ուրախութիւնն իրենց յայտնել, բայց շուտ մը ուրախութիւնը վախի փոխուեցաւ:

Ասոնք ճշմարիտ ուխտաւոր չէին, հագած զգեստնին ալ շինծու եւ խաբեական զգեստ էր: Թէու պալտ ասպետէն յաղթուած ու ցրուած գողերուն գնդէն էին, եւ ան ծպտած զգեստով կու դային վրէժ առնելու համար: Մտքերնին ան էր որ պանդ դրիստի պէս իր դղեակը մտնեն, գիշերով զինքը, իր ընտանիքը եւ ամէն մարդիկներն սպաննեն, եւ վերջէն դղեակը թալլեն եւ այրեն: — Երբ որ հեռուանց երկու անտառախիտ լերանց մէջ Գալքենպուրկի դղեակը տեսան, ծեր աւազակն ընկերին ըստաւ. Աւ հաւասիկ մեր թշնամւոյն անիծեալ որջը: Ո՛հ, երբ պիտի կարենամ ընկերներուս վրէժը խնդրել: Պէտք է որ զինքը ողջ զինքը մէջ նետենք:

Այս, ըստ ընկերը, բայց թէ որ մէնք զինքը չենք կընար մեռցընելնէ, բաներնիս գէշ է. ի վե-

բայ այսօր ամենայնի ինք զինքնիս աս վտանգին մէջ դնելը կ'աժէ, որովհետեւ ծեր ասպետը շատ հարուստ է:

Ես, ըստ ծերագոյն աւազակը, հաղար անգամ աւելի կ'ուզեմ զինքն սպաննել քան իր բոլոր հարըստութիւններն առնել, թէպէտ եւ զանոնք ալ չեմ արհամարհեր . . . : Մէջ մը աս դղեակն ալ կողոպատենք, ալ անկէ վերջը արուեստս թող կու տամ: Նայէ միտքս ինչ կու դայ. իր ասպետական զգեստներն ու նշանները կ'առնենք հեռաւոր երկիրներ կ'երթանք, մէջ մէկ ասպետ կը ձեւանանք:

Սոնք գեղեցիկ բաներ են, ըստ երիտասարդ աւազակը, բայց քանի որ աս վտանգաւոր դործքին վրայ կը մտածեմ նէ՝ սիրսս դող կ'ելլէ:

Դուն ալ ինչու տղու պէս բաներ կը մտածես, պատասխանեց ընկերը. վախկուտ զքեզ: Ամէն բան արդէն կարգաւորուածէ. արդէն մեր ընկերները մեզի կը սպասեն: Մեր խցին պատուհանին մէջ վառուած երեք կանոթեղները դնելնուս պէս՝ եօթը առոյդ, քաջ ու զօրաւոր մարդիկ՝ որոնք շատոնցուընէ աս նշանին կը սպասեն, մեզի օդնութեան կը համեն: Զիրենք դիւրաւ կրնանք ներս առնել պարտեզին պղտիկ գոնէն՝ որն որ ներսի կողմանէ առանց դժուարութեան կը բացուի: Մէջերնին մէկը կայ՝ որ դղեակին ամէն ծածուկ ճամբաները, ամէն ստորերկրեայ տեղերը, ամէն ծակերը աղեկ դիտէ, իբրեւ թէ հոն ծնած ըլլար: Մեղի պէս ինք զօրաւոր ու զինաւորեալ մարդիկներու դէմ՝ ինչ կրնան ընել քնոյ մէջ եղող քանի մը հոգի:

Լէոնարտոյ կը զգուշանար որ գողերը չիմանան թէ ինք անոնց լեզուն կը հասկրնայ, անոր համար երբեմն կը կենար, ծաղիկ կամ խոտ մը փրցընել կը ձեւացրներ. միշտ անանկ կը յարմարցըներ որ անոնց ետեւէն երթայ. թէպէտ իրենց բոլոր խօսածներուն

աղեկ միտ կը դնէր, բայց ամենեւին կասկած չտալու համար՝ անտարբերութեամբ մը կը սուլէր ու վերգէր: Եւ թէպէտ շինծու ուխտաւորներուն առաջնորդելու համար մինչեւ որոշեալ տեղ մը հետերնին պիտի երթար ու ետ պիտի դառնար, բայց միտքը դրաւ որ մինչեւ Գալքենպուրի երթայ, եւ անոնց չար խորհուրդները թէոպալու ասպետին իմացընէ:

Աւազակներն իրենց խօսակցութեան դրաղելով՝ յառաջ դացած ատեննին, մէջ մ'ալ մէջերնէն ծերագոյնը նեղ ճամբու մը վրայէն յանկարծ սահելով վար ինկաւ, եւ զգեստը թփի մը փաթթուելով՝ բայցուեցաւ, որով Լէոնարտոն տեսաւ թէ նոյն զգեստին տակէն զրահ հաղած էր. նոյն ատեն աւազակին վրայէն դաշոյն մ'ալ ինկաւ. բայց Լէոնարտոն չտեսնելու զարկաւ: Ծեր չարագործն աճապարեց շուտ մը դաշոյնը գետնէն վերցուց պահեց, եւ զգեստը վար առնելով՝ շատ անդամ իր արծուի նման սուր աչուրներովը Լէոնարտոյին նայեցաւ, որ արդեօք բան մը նշմարած է:

Քիչ մը ետքը ահագին անդունդի մը քով հասն, որուն յատակը՝ փոթորիկներէն աճած սասատիկ հեղեղ մը կը վաղէր. թփերով ծածկուած երկու ժայռեր՝ երկու կողմէն իրարու կը մօտենային, եւ մեծ եղեւնափայտի ծառ մը կարծես թէ ըստ պատահման երկու ժայռերուն վրայ ձգուելով՝ ասահեղ անդունդին վրայէն անցնելու համար կամուրջ մը ձեւացուցած էր: Ծեր աւազակը հեղեղին մօտիկնալով՝ ընկերին իտալերէն ըստաւ. Աս մեր առաջնորդին վրայ շատ կասկած ունիմ: Միտքս կուգայ կոր որ զինքը կամրջէն վար ձգեմ: Լէոնարտոն աս բանս լսելով՝ սկսաւ սաստիկ դողալ, եւ հեռուէն սկսաւ կանչել: Տէր Աստուած, ես ասկից ինչպէս պիտ'որ անցնիմ, չեմ կընար համարձակիլ. միայն աս հեղեղը աեսնելով՝ գլուխս կը դառնայ:

Ա՞հ վախնար, ըստ իրեն ծեր աւազակը, եկուր
եկուր, ես զքեղ մէկալ կողմը կ'անցընեմ. աս ըսե-
լով չարագործը թեւերը բացած Աւոնարտոյին կը
մօտիկնար: Բայց խեղճ պատանին շուտ մը ետ
քաշուելով՝ յուսահատական աղաղակի մը փրցուց,
եւ կ'ուղէր թփերուն մէջ վախչիլ, թէ որ աւազակն
աւելի մօտիկնար: Ո՛չ, ըստ վերջապէս, կ'աղաչեմ
զիս թող տուր, դուցէ երկուքնիս մէկտեղ անդուն-
դին մէջը կ'ինանք: Բայց դնենք թէ հիմայ անց-
նինք. ի դարձին ես ի՞նչ պիտի ընեմ . . . զիս թող
տուր որ ետ դառնամ: Ալ առաջնորդի հարկաւո-
րութիւն չունիք, ահաւասիկ սա դիմացի ճամբան
շիփ շիտակ Գալքենպուրի կը տանի:

Են ատեն երիտասարդ աւազակը միտքը դնե-
լով որ Աւոնարտոն ստուգիւ հեղեղին վրայէն անց-
նելէն կը վախնայ, Թող տուր, ըստ ընկերին, թող
տուր որ երթայ, կը պուալ կանչուըռուտելն զմեղ
վտանդի մէջ կրնայ ձգել: Ստոյգ գիտեմ որ մեր
խօսածներէն ամենեւին բառ մը հասկրցած չէ: —
Լաւէ, պատասխանեց մէկալ. բայց մենք անցնելէն
ետքը կամուրջը վար կը ձգենք, որպէս զի մենք մեր
գործքը չըմընցուցած՝ կարող չըլայ Գալքենպուրի
երթալ:

Իրօք ալ աւազակները ծառը հեղեղին մէջ նե-
տեցին: Երբ որ իրենք բարձր ժայռերուն ետեւն
աներեւոյթ եղան. Աւոնարտոն սկսաւ բոլոր զօրու-
թեամբ վաղել, որպէս զի իրենց դաւաճանութեան
լուրը շուտ մը Ռողալինարին տանի:

Ե. Աղոթուննեան Ժշնոց:

Ռողալինատ եւ կը աղջեկը իրենց վեհանձն բարե-
րարը՝ Թէոպալտին եւ անոր ընտանեաց զլուխը գալու-
սոսկալի դժբախտութիւնը մոքերնեն ալ չէին անցըները:
Բոլոր օրը իրարու հետ ուխտաւորներուն Պաղեատի-

նի վրայ պատմած պատմութիւններուն վրայ կը խօսէին : Իրիկուան դէմ դղեակին քովի դաշտերուն վրայ պարտելու ելան : Իրենք այսպէս զբօննլու առեն՝ մէկէն ի մէկ տեսան որ Աէոնարտոն սաստիկ վազելով դէպ իրենց կողմը կու գար . Խեղճ երիտասարդը բոլորովին արեան քրտինք թաթխուած էր : Ո՛հ տիկին , պոռաց յուսահատութեամբ . ո՛հ , աս գիշեր մեր դղեակին մէջ մնացող մարդիկները ուխտաւոր չեն , հապա աւազակ ու մարդասպան են եղեր , որոնք թէոպալտ ասպեան ու իր ընտանիքը սպաննել եւ իր դղեակը կողոպտելու կրակ տալ կ'ուղեն : Խեղճ պատանւոյն շունչն այնպէս հատած էր որ չլրցաւ ալ աւելի բան մ'ըսել . մարածի պէս ծառի մը տակ ինկաւ մնաց : Ուողալինան եւ Յուլիանէն աս զարհուրելի դոյժը լսելով շանմթէ մը զարնուածի պէս ապշած սարսափած մնացին , եւ իրենց բարերարին գլուխը գալու չարեաց վրայ սկսան լալ :

Վերջապէս Ռողալինտ քիչ մը ինք իրեն գալով , գնա , ըսաւ աղջրկանը , վազէ շուառվ մը դղեակ դնա . ես պէտք է որ աս ողորմելի պատանւոյն քովը կենամ , երբոր կրնայ քալել նէ՝ ես ալ կու գամ : Բայց դուն վազէ գնա , մեր ծառաները ժողվել տուր , ըսէ որ ձի հեծնան , երթան չարադրծներուն միտքը թէոպալտ ասպետին իմացրնեն , որչափ կարելի է նէ շուտ վազեն . բոլոր ձիերս ճամթելու ալ ըլլան՝ հոգս չէ :

Յուլիանէն՝ որսորդի նետէն փախչող եղջերուի մը պէս սրացաւ գնաց , վայրկենի մը մէջ դղեակն հասաւ , եւ իրեն աղաղակներովը զամենքը ժողվելով՝ քիչ խօսքերով ֆալքենպուրկի դղեակին վտանգը պատմեց : Ամէնքը զարհուրած՝ խաբեբայ ուխտաւորներուն դէմ անէծք կը կարդային : Քիչ մը ետքը Ռողալինտ ալ վրայ հասաւ Աէոնարտոյին հետ , որմէ ճամբան ամէն բան մանրամասն իմացած էր :

Աս ի՞նչ է, կանչեց տիկինը, աճապարելու տեղ ժամանակնիդ հեծելով կ'անցընէք. շուտով վազեցէք ֆալքենպուրկի: — Անկարելի է, տիկին, պատասխանեց Ադալըիկին ծեր սպասաւորներէն մէկը: Աւազակիներն հիմա արդէն ֆալքենպուրկ հասած պիտօր ըլլան, իսկ մենք գրեթէ տասնուհինդ մղնն ձամբայ ընելու ենք որ հոն հասնինք: Քիչ մը վերջը կը մթըննայ, ճամբաներն անձրեւէն ապականած են: Ամենէն աղէկ ձին ալ ունենալու ըլլամ, վազը օրը չուսընցած՝ չեմ կրնար ֆալքենպուրկ հասնիլ: Մեր մշակութեան ձիւ երը հեծնալու աղէկ չեն գար, իսկ պատերազմի ձիւ երը՝ մեր սիրելի իշխանին մեռնելէն վերջը շուտ մը ծախեցինք: Աս կողմերը տեղ մ'ալ անանկ սաստիկ ընթացք ընելու ձի չիկրնար գտնուիլ:

Տիկինն աս խօսքերը լսելով՝ քարացածի պէս մնաց, եւ ետքը յուսահատելով՝ ցաւագին աչուըները դէալ ի երկինք վերցուց, եւ առատ արցունք թափելով, Ռւրեմն մարդկային եղանակաւ օդնութիւն չկայ, կանչեց: Ո՞հ Տէր Աստուած, դուն աղատե աս աղնուական անձինքը՝ որոնք ինծի այնչափ գութցուցուցին: Յուլիանէ աղջիկս, եկուր մէկտեղ խընդրենք Աստուծմէ, որ չարագործներուն կամքը խափանէ եւ մեր աղատիչներն աղատե:

Երկուքը մէկտեղ քիչ մը աղօթք ընելէն ետեւ՝ տիկինը նորէն իր ծառաներուն դառնալով, Կ'աղաշեմ, զաւկըներս, ըսաւ, որչափ ալ գժուարին, մանաւանդ թէ անկարելի ալ երեւայ ձեզի կէս գիշերուրնէ յառաջ ֆալքենպուրկ հասնիլ, կ'աղաշեմ կը պաղատիմ դոնէ մէյ մը փորձնցէք: Մէկ խօսք մը բաւական է զիրենք փրկելու, մէկ բոպէի մէջ ամէն բան կրնայ փոխուիլ: Թէ որ Աէսնարտոն իր ըրած ճամբորդութենէն այնպէս սաստիկ յոզնած չըլլար նէ՝ գուցէ կրնար հասնիլ: Բայց դուն, Մարտինոս, ըսաւ երիտասարդ ծառայի մը, դուն ալ աղէկ կրնաս

վազել, վազէ գնա, տղաս, որչափ որ կընաս նէ. ուսաքով երթալու ճամբան՝ ձիու ճամբէն կարճ է: Թէ որ ժամանակին Գալքենպուրի հասնելու ըլլաս նէ՝ քեզի հարիւր ոսկի կու տամ:

Անկարելի է, տի'կին, ըստ ծառան, անսանկ յաջողակ մարդ մը չիկրնար գտնուիլ որ գիշեր տտեն այնպիսի նեղ ու լեռներուն մէջէն անցնող ճամբաներու մէջ չկրոսուի, կամ անդունդներու մէջ չկյնայ: Աս ամէն բան չըլլար նէ ալ, ըստ Վէոնարտոն, հեղեղն անցնելու համար դրուած կամուրջը կործանած է, գիմաց բնչպէս անցնելու է, մարդս պէտք է թեւ ունենալ:

Ի՞նչ, թե՛ւ, պոռաց Յուլիանէն, եւ աչուբներն տկան ուրախութենէ փայլիլ: Մայր, մայր, միտքս բան մ'եկաւ: Մենք պատրաստ թղթատար մ'ունինք: Կը յիշեմ որ Գալքենպուրիէն չելած թէոպալու առապետն ինծի ապսպրեց որ առջի ժամանակները աղաւնիս աղէկ պահեմ. չէ նէ, ըստ, արձակ գտնելուն պէս՝ կը թուչի հոս կը դառնայ: Որչափ որ հեռու տեղ ըլլայ աղաւնին, իր տեղւոյն ճամբան կը դանէ: Աղաւնոյն վիզը նամակ մը կապենք ու թող տանիք, ստուգիւ շիտակ Գալքենպուրի կը տանի:

Ո՞հ, Յուլիանէ, աս ի՞նչ սքանչելի մտածմունք է, կանչեց մայրը: Աս մտածմունքը քեզի աղդողն անշուշտ Աստուած է:

Յուլիանէն շուտ մը վազեց աղաւնին բերաւ. մայրն ալ աճապարելով նամակ մը գրեց, եւ թրուչնոյն վիզը կապելով՝ օդին մէջ թող տուին: Աղաւնին իսկըսան օդին մէջ շատ բարձր ելաւ, եւ քիչ մը տտեն ասդին անդին կամաց կամաց թուչելէն ետեւ՝ ոկտառ սաստիկ շուտառ թեամբ դէպ ի Գալքենպուրի թուչիլ, եւ քիչ մը վերջը աներեւոյթ եղաւ: Գլեանին բոլոր բնակիչները Յուլիանէին խորհրդոյն վրայ զարմանալէն ու գովելէն չէին դադրեր, եւ ամենքն

ալ Աստուծոյ կ'աղաչեին որ աղաւնին յաջողութեամբ
տեղն հասնի:

Ի վերայ այսր ամենայնի ամենքն ալ եւ մանաւ-
անդ Ռողալինա եւ իր աղջիկը, հազար ու մէկ մտած-
մունքներով կը տանջուեին: Արդեօք աղաւնին յա-
ջողութեամբ պիտոր հասնի^o, թէ որ ճամբան անդզի
մը ճանկերուն տակ իյնայ, կամ զօրութիւնն այնչափ
երկայն ընթացք ընելու չքաւելու ըլլայ նէ, թէ որ
Քալքենպուրկեն շուա մը չեն իմանար, ու ներս չեն
առներ նէ, թէ որ գողերուն ձեռքն իյնալու ըլլայ
նէ, թէ որ ճամբան նամակը կորսուի նէ...: Ասանկ
մտածմունքներով անցուցին բոլոր գիշերը եւ եր-
կրորդ օրը մինչեւ կէսօրէն վերջը:

Զ. Աղոթութիւն:

Ուէոպալու ասպետն իր ընտանեացը հետ մէկտեղ
սեղան նստած էին, արեւը մտնելու վրայ էր ու
իր վերջի ճառագայթները կըր ապակիներէն թափ-
անցելով՝ կերակրոյ որահը կը լուսաւորէին: Մէջ
մ'ալ իրենց իմացուցին որ երկու ուխտաւոր եկեր
է: Ասպետը հրամայեց որ զանոնք սիրով ընդունին
եւ օտարականներու խուցը տանին: Ընթրիքնին
լմբնցընեն նէ՝ քովս կը կանչեմ, ըստ, որ պանդըն-
տութեան մէջ տեսածնին պատմեն: Բայց գուն
նայէ որ, ըստ լուրը բերող ծառային, իրենց ծա-
րաւն անցընելու համար գինի տաս. ասով աւելի
խօսող կըլլան: Գլխուս վրայ, պատասխանեց ծա-
ռան ու գնաց: Խսկ Ագնէս կ'ուրախանար որ գեղե-
ցիկ գեղեցիկ պատմութիւններ պիտի լսէ: Գլուխնին
գալիքը եւ ոչ մէկուն մոքէն կ'անցնէր:

Դեռ սեղանի վրայ ուրախութեամբ խօսած ա-
տեննին՝ Ագնէս մէկէն սկսաւ կանչել. Ահա իմ ա-
զաւնեակս: Ստուգիւ ալ նոյն աղաւնին էր, որ եկած
պատուհանին քովերը կը թռչտէր ու կտուցը պատու-
հանին ապակւոյն զարնելով՝ իբրեւ թէ կ'աղաչէր ոլ-

զինքը ներս առնեն։ Աղնես ոտք ելաւ պատուհանը բացաւ . աղաւնին ալ անմիջապէս եկաւ , ու ձեռքին վրայ նստելով՝ մեծ ուրախութիւն կը ցուցըներ։ — Ո՞չ նայէ , մայրիկ , ինչ դեղեցիկ վզնոց են կապեր . . . Ա՛ս ի՞նչ է , վրայէն թղթի կտոր մ'ալ կախեր են , ըստ մայրը , կարծեմ նամակ մըն է . ստուգիւ երիտասարդուհիք շատ անդամ արտաքոյ կարդի մտած մունքներ կ'ունենան։

Ծմէոպալտ ասպետը թուղթը քննելով՝ վրան առ խօսքերը գրուած գտաւ . Ծատ կարդացէք : Եւ ժպտելով մը , Ծատ ստիպողական բան կ'երեւայ կոր , ըստ : Բայց հաղիւ քանի մը խօսք կարդացած էր , դոյնը նետեց եւ սկսաւ պոռալ . Տէ՛ր Աստուած : Օդդիլիա եւ Աղնես զարհուրած՝ սկսան հարցընել թէ ի՞նչ բան կայ : Եւ Թէոպալտ ետեւի նամակը կարդաց : Ազնիւ ասպետ :

Աս իրիկուն դղեակնիդ եկող ուխտաւորները ձեր ցրուած աւազակներուն գնդէն են : Ծերուն անունը Լուբոյ է , երիտասարդինը՝ Օրզոյ : Իրենց ուխտաւորի զգեստին տակէն զրահ հագած ու զինած են : Մաքերնին ան է որ աս իրիկուն զձեզ , ձեր ընտանիքն ու բոլոր մարդիկներն սպաննեն եւ դղեակնիդ կողսպտեն , այրեն , կործանեն : Ասկից զատ՝ մտքերնին դրած են որ ձեր ասպետական զգեստներն հագնին , ոսկի շղթանիդ ու աղամանդէ խաչերնիդ վրանին կրելով օտար երկիր մը ասպետ ձեւանան : Իրենց ընկերներէն եօթը հոգի ալ հոն մօտ տեղուանքը կը պտրտին ու նշանի կը սպասեն , որ ներս մանեն եւ անոնց օգնեն : Նշաննին ալ աս է որ պառկելու խցերնուն պատուհանին մէջ երեք վառուած ճրագ գնեն ; Եօթը չարագործները նշանը տեսնելուն պէս՝ հոն պիտի վազեն , շինծու ուխտաւորներն ալ պարտիզնն պղտիկ գուռք բանալով՝ զիրենք ներս պիտ' որ առնեն : Աստուած տայ որ աղաւնին ատենին հասնե-

լով՝ զձեղ աղատէ : Աս բանս ուրիշ կերպով ձեղի իմացընելն անկարելի եղաւ, վասն զի աւաղակները հեղեղատին կամուրջը կործանած են : Կ'աղաչեմ շուտ մը ձեր աղատելուն լուրը մեղի իմացընելու մարդ մը խրիելիք :

Երախտագէտ աղախիննիդ
Ռողալինտ Հոհենպուրկեանց :

Օդդիլիային սիրտն ելլելով՝ սկսաւ կանչել . Տէր Աստուած, աս ի՞նչ յայտնի ցցց է քու բարերարութեանդ : Աս աղաւնին՝ ինչպէս որ երբեմն Նոյի տապանին ձիթենւոյ ճիւղը բերաւ, նոյնպէս հիմայ ալ մեղի իբրեւ երկինքէ իջած թղթաբեր մըն է : Խկուր, Աղնէս, եկուր, շնորհակալ ըլլանք Աստուծոյ, որ զմեղ այսպիսի մօտալուտ վտանգէ աղատեց :

Թահոպալու՝ իր տմուսինն ու աղջիկը մօտ խցի մը մէջ ապահովընելին ետքը՝ զրահն հագաւ, եւ իր հաւատարիմ պահապաններէն քանի մը հոգւոյ ալ ապսպընելին ետեւ որ մօտ տեղուանք պատրաստ կենան, ուխտաւորները վեր կանչեց :

Ասոնք խիստ խոնարհական կերպարանքով ու մեծ յարգութեամբ ներս մտան : Եւ ծեր աւաղակն սկսաւ կեղծաւորական ձայնով իր պատմութիւնը պատմել, այս ինքն ստութենէ ու շողոքորդութեանէ խառն առասպել մը շնինել : Իրենց ճամբորդութեան վրայ երկայն խօսելին ետեւ՝ խօսքը Ռողալինտին, Յուլիանէին, աղաւնոյն վրայ դարձուց . եւ վերջապէս սկսաւ թահոպալու ասպետին մեծամեծ գով վեստներ տալ, անոր առաքինութիւնները, քաջութիւնն ու երեւելի գործքերը մինչեւ երկինք կը հանէր. եւ կըսէր թէ իր հոյակապ անունը մինչեւ Պաղեստին հասած է : Թահոպէտ եւ ասպետը շողոքորդութենէ ու շողոքորդներէն կը զզուէր, ի վերայ այսր ամենայնի ինքը զինքը բոնեց եւ հանդարտութեամբ մը ուխտաւորներուն հարցուց, թէ ով են : — Աղ-

քատ ողորմելի ուխտաւոր ենք, ըսին . Սուրբ Երկրէն կու դանք եւ մեր հայրենիքը Թուրինդիա կը դառնանք : — Անուննիդ ինչ է : — Իմ անունս Հերման է, ըսաւ, Լուբոյ, իսկ աս իմ հօրեղքօրորդիս Լէովոլտ կըսուի : — Ինչո՞ւ համար իմ դղեակս եկած էք : — Ուրիշ բան չենք ուզեր, բայց եթէ աս գիշեր հոս անցընել, ըսին խոնարհական ձեւով մը . վաղը առտու լուսըննալուն պէս՝ ճամբայ կ'ելլենք : Ի՞նչպէս պիտի ուրախանան մեր ազգականները, երբ որ զմեղ ողջ առողջ տեմնեն :

Ասպետն ահազին ճայնով մը պոռաց . Բոլոր ըսածնիդ սուտ է . անուննիդ Հերման ու Լէովոլտ չէ : Դուն, չար ծեր, Լուբոյ կը կոչուիս, իսկ դուն, երիտասարդ աւազակ, Օրզոյ կ'ըսուիս : Դուք Սուրբ Երկրէն եկած ուխտաւոր չեք . հապա գող աւազակ, հրձիդ, սրիկայ մարդիկ էք : Թուրինդիան ձեր հայրենիքը չէ : Դուք Գերմանացի չեք, ու դղեակիս մէջ՝ միայն սպաննելու, կողոպտելու, այրելու համար եկած էք : Հիմա ձեր եղեռնադործութեանց արժանաւոր վարձքը կ'ընդունիք . ձեր բուն տեղը կախաղանն է : Ի՞նչ . կ'ուզեիք՝ իմ ասպետական զգեստներս հագնիլ, իմ շղթայովս ու խաչովս զարդարուիլ . . . Պահապանք, ներս եկէք . սուսնց վրայէն ծպտեալ զգեստներն հանեցէք որ իրենց բունց զգեստնին տեսնենք, զէնքերնին ալ վրաներնէն առէք, սոսուքնին ու ձեռուրնին շղթայի զարկէք եւ աշտարակին ամենէն խորանկ խաւարին բանահին մէջ դրէք :

Անմիջապէս պահապանները չորս կողմէն ներս յարձակեցան, եւ ուխտաւորի զգեստները վրաներնէն հանելնուն պէս՝ սրիկաններուն զրահներն ու զէնքերն երեւցան : Պահապանները զիրենք շղթայի զարնելով խաւարին բանտը դրին :

Եցրբ որ բանտ մտան, երիտասարդ աւազակն իր ընկերին ըսաւ . Խելքս չիհանիր թէ ասպետն ինչ

կերպով մեր վրայ այսպէս մանրամասն տեղեկութիւն ունեցեր է. ինք բան մ'ալ դիտէ կոր, զորն որ ճամբ բուն վրայ մինակ մենք երկուքնիս մշջերնիս խօսած էինք. դիտէ կոր թէ մտքերնիս դրեր ենք որ իր զգեստներն հազնինք, ասպետ ձեւանանք: Զըլլայ որ առաջնորդնիս ըստ պատահման լեզունիս հասկցած ու եկած զմեղ մատնած ըլլայ:

Ի՞նչ կ'ըսես գուն ալ, ըստ Առւբոյ. ուրեմն ասիս կայ թեւ ունի եղեր, որ հեղեղան անցնելով պատուհաններէն դղեակը մտեր է: Ես միշտ կը դիտէի, վայրիւան մ'ալ աչքու դռնէն չվերցուցի. ապահով եմ որ մեր գալէն վերջը՝ ամեննեւին մէկը դղեակին կամրջէն չանցաւ: Ասոր մշջը բնութենէ վեր բան մը կայ. պէտք է որ ասպետը ստանայի հետ դաշինք դրած ըլլայ:

Աս ըսելէն վերջը չար ծերը սաստիկ կատղելով՝ սկսաւ թէսպալտին դէմ բերնէն զարհուրելի անէծքներ թափել, բարկութենէն փրփրած՝ կ'ըսէր. Աս անորէն թէսպալտը բոլոր մեր դժբախտութեան միակ պատճառն է: Իր եղեռնագործութեանց մշջ կոյրցած ըլլալով՝ չէր ուղեր ճանշնալ որ իր գլուխն եկած չարիքներուն պատճառն ինքն է:

Իսկ Օրզոն սկսաւ լալ ողբալ ու իր ընկերին դէմ քանքատել: Երանի թէ, կ'ըսէր, քու տուած վնասակար խորհուրդներուդ ականջ կախած չըլլայի. դուն ինծի ուրախական կեանք պատիւ ու առատութիւն խոստացար. բայց հիմա անարդական մասհուընէ ուրիշ սպասելու բան մը չունիմ: Ինծի կ'ըսէիր որ ըրածնիս դէշ բան չէ. սրտիս մշջէն Աստուծոյ ու մարդկան վախը կ'ուղեիր ջնջել, եւ թէ աս աշխարհքիս թէ անդիի աշխարհքին մշջ իր բանեցուցած արդարութիւնը կը ծաղրէիր: Բայց միշտ ներքին ձայն մը ինծի ասոնց հակառակը կ'ըսէր, եւ անդադար աչքիս առջեւ կը բերէր որ կամ

աս աշխարհքը կամանդիի աշխարհքը պատիժու պիտի գտնեմ: . . . Ո՞հ, ո՞հ. ինչու խղճմտանացո ձայնին ետեւէն չգացի: Հիմա ժողված գանձերս ինչուս կը ծառայեն: Եթէ հացս ճակտիս քրտինքովը, բայց համեստութեամբ ու խիզճս հանդարտ պահելով՝ վասարիէի, հիմակուան գանուած վիճակէս աւելի երջանիկ կը լլայի: Բայց հիմա Աստուծոյ ձեռքը զիս յափշտակելով՝ աս խաւարին բանտը նետեց. աս աշխարհքիս մէջ ալ կորսուեցայ: Բայց կրնամ արդեօք զոնէ անդիի աշխարհքը չնորհք ու ողորմութիւն գտնել: Երանի թէ իմ ողորմելի օրինակ՝ օգտակար դաս մ'ը լլար զեխութեան ու կըից ետեւէ եղող երիտասարդներուն:

Ոճեռպալտ ասպետը աւազակները բանտ դնել տալին եաեւ՝ անսնց ընկերներն ալ ձեռք ձգելու պատրաստութիւն կը տեսնէր: Աղեկ մը միթքննալին վերջը՝ օտարականներուն համար որոշուած խցին պատուհանին մէջ երեք վառուած ճրադ դնել տուաւ: Ետքը հաւատարիմ ու խոհեմ գռնապանը՝ ուխտաւորի զգեստ հագած՝ դողերուն ներս մանելու դրան դիմացի բակին մէջ տասը զինած մարդիկներով պահուըտեցաւ:

Ասանկով երկայն ատեն սպասեցին, բայց եկող դայող չեղաւ: Կէս գիշերն անցաւ, եւ դեռ տեսնուող շկար: Սպասողները կամաց կամաց կը սկսէին համբերութիւննին կորսընցընել, մէյ մ'ալ կամացուկ մը դուռը զարնուեցաւ: Դռնապանը սաստիկ զգուշութիւն ձեւացընելով՝ դուռը բացաւ: Աւազակներէն մէկը ներս մտաւ, եւ զինքն իր ընկերներէն մէկը կարծելով՝ ցած ձայնով մը հարցուց. Յարմար ժամանակին եկանք: — Շատ յարմար, պատասխանեց դռնապանն աւելի կամաց ձայնով: Ան ատեն ներս մտնող աւազակը դուրս ելաւ ընկերները կանչեց, եւ ամէնքն ալ ոտուըներնուն ծայրին վրայ

Քաղելով ներս մտան . հետերնին ծծումք ու ձիւժ
առած էին , եւ ամէն մէկերնին մէջ մէկ սուր ուներ :
Ամէնն ալ ներս մտնելէն վերջը՝ դռնապանը դուռը
դոցեց , բալլիքը դրապանը դրաւ եւ իրեններուն հետ
դրած նշանը տուաւ :

Յանկարծ դղեակին մարդիկը դողերուն վրայ
յարձակեցան , եւ զամէնքն ալ դիւրաւ բռնեցին ,
վասն զի անոնք այլայլութենէն ու շփոթութենէն
եւ ոչ սրերնին կրցան քաշել : Նոյն ատեն երեւցաւ
թէոպալտ ասպետն ալ , եւ ահաւոր ձայնով մը հրա-
մայեց որ զերենք շղթայի զարնեն ու բանտ գնեն ,
որպէս զի հոն իրենց չարագործութեանց պատիժը
կրեն : Ծառաներն անմիջապէս աս հրամանն ի գործ
դրին :

Ասպետն աս յաջող ելքն իր ամուսնոյն ու աղջը-
կանը ծանուցանելէն ետեւ՝ ըստ . Ահաւասիկ աս է
չարագործաց վախճանը . չարագործն իր գործքովը
կը բանտի , եւ ուրիշներուն համար լորած որոգայ-
թին մէջ ինք կ'իյնայ :

Է . ԶԵՄԵՆԱՅ ՖԵԴ :

Ինչպէս քիչ մը յառաջ տեսանք , աս բաներս
ֆալքենպուրկ եղած ատեն՝ Հոհենպուրկի դղեակինն
մէջ Ռոզալինտ տիկինն ու Յուլիանէ՝ անձկութեամբ
եւ սրտի դողով լուր առնելու կը սպասէին , ա-
մէն բոպէ՝ իրենց տարւոյ մը պէս կու դար : Մին-
չեւ առտու եւ մինչեւ կեսօր աս կերպով անցընե-
լէն ետեւ՝ մէջ մ'ալ Յուլիանէն՝ որն որ ամէն հինգ
վայրկեան մէջ մը պատուհան կը վազէր որ նայի թէ
արդեօք եկող մը չկայ , հեռուէն քանի մը ձիաւոր ու
կառք մը տեսաւ , որ վաղելով դէպ իրենց կու դային :
Կարծես թէ սրտին մէջ աղջեցութիւն մ'եղաւ որ
եկողները թէոպալտ ասպետն ու իր ընտանիքն է ,
ուստի եւ մօրն աղաւեց որ դիմացնին երթան :

Իրօք ալ անոնք էին : Թէոպալտ , Օդդիլիա եւ

Ազնէս առտուանց կանուխ ճամբայ ելած էին, որ
երթան իրենց աղատութեան լուրը անձամբ տանին,
եւ անձամբ շնորհակալ ըլլան իրենց աղատիչներուն:
Ասպետը՝ տիկնայքը տեսնելուն պէս՝ շուտ մը ծիէն
վար իջաւ, Օդդիլիա եւ Ազնէս ալ կառքէն դուրս
ելան, եւ երեքը մէկտեղ եկան իրենց աղատիչներուն
շնորհակալութիւննին յայտնեցին: Ամէնքն ալ հաւա-
սար ուրախութեան մէջ էին, եւ այսպէս իրարու ու-
րախակից ըլլալով եւ պատահածներուն վրայ խօսա-
կցելով դղեակը դացին:

Ուղանի ատեն թէոպալտ արծաթէ գաւաթն
առաւ, գինի խմեց Յուլիանէին կենդանութեան հա-
մար, որն որ աղաւնոյն ձեռքով նամակ խրկելու խոր-
հուրդ տալովը զամէնքս ալ աղատեց, ըստ: — 2է,
տէր ասպետ, պատասխան տուաւ պարկեշտ Յուլիա-
նէն կարմրելով, ձեր աղատութեան սկզբնապատ-
ճառն ես չեմ. աս պատիւն Ազնէսին տալու է, որով-
հետեւ ինք անդղէն հալածուած աղաւնին քովն առ-
նելովը եւ ետքը նոյն իրեն սիրելի թռչունն ինծի
պարգեւելովը աս երջանկութեան պատճառ եղաւ:

Կստուծոյ շնորհակալ ըլլանք, ըստ Ռողալինտ,
որ մէր զաւելրներուն բարի բնութիւն մը տուեր է:
Բայց զգուշացէք, աղջիկներս, որ յաջողութեան ար-
դիւնքը բոլորովին ձեզի չսեպհականէք, որովհետեւ
աս որբ Լէոնարտոն ալ ձեզի չափ դործակից եղած
է աս դործքիս, ինչու որ իր սէրն ու երախտա-
դիտութիւնը ցուցընելու համար՝ այնպէս շուտով ու-
ինքը զինքը հիւանդանալու եւ մեռնելու վտանգի
մէջ գնելով՝ այնչափ երկայն ճամբայ ըրաւ:

Աս ստոյգ է, ըստ ասպետը, եւ արծաթէ գաւ-
աթը նորէն լեցընելով՝ Լէոնարտոյին տուաւ ըսելով
Առ, իմ քաջ բարեկամս, խմէ. ասկից վերջը ես հոգ-
կը տանիմ որ դուն զինուորական արուեստին մէջ յա-
ռաջ երթաս. քու քաջութիւնդ, հաւատարմու-
թԱՐ. ՎՀՊ.

թիւնդ, աիրասիրութիւնդ զքեղ օր մը ասպետութեան աստիճանն հասնելու արժանի կընեն:

Իսկ Օդդիլիան ըստ . Նաեւ մեծասիրտ ու բարերար Ադալրիկ ասպետին յիշատակին համար ալ դինի մը խմենք: Աս ուրախութեան մշջ իրեն ալ երախտագետ ըլլալու ենք, վասն զի եթէ որ ինք Լէոնարտոյին վրայ գթալով քովն առած չէր ըլլար նէ: Հիմա մենք ինչ կըլլայինք: — Ո՛հ, ստուգիւ, պատասխանեց Յուլիանէին մայրը, իմ հանդուցեալ էրկանս՝ խեղճ որբի մ'ըրած բարերարութեան համար բիւրապատիկ վարձք ընդունեցանք, զձեղ աս սոսկալի վտանգէն աղատած տեսնելով: Բայց դուք ալ, ազնուասիրտ ասպետ, ինծի եւ իմ աղջկանս քիչ բարերարութիւն չըրիք: Ան վեհանձնութիւնը՝ որով զմեղ ընդունեցաք եւ թշնամիներնուս ձեռքէն աղատեցիք, չէր կրնար առանց վարձուց մնալ: Դուք զմեղ աղատեցիք, Աստուած ալ զձեղ աղատեց. նոյնպէս նաեւ զՕդդիլիան եւ զԱգնէոր՝ իրենց մեզի ցուցուած սիրոյն համար՝ Աստուած վարձատրեց: Աստուծոյ անունն օրհնեալ ըլլայ:

Այսպէս է, ըստ Թէոպալտ, ինչպէս ամէն առիթներու մշջ նոյնպէս հոս ալ պէտք է որ Աստուծոյ շնորհակալ ըլլանք: Ի վերայ այսր ամենայնի երախտագետ ըլլալու ենք նաեւ ան ազնուական անձինքներուն՝ որոնք Աստուծոյ ձեռքը միջնորդ կ'ըլլան: Ստուգիւ անկարելի էր որ ես իմ դղեակս կործանմանէ պահէի. ուստի իմ սրովս գլուխ տանիլ շկրցածո՝ Յուլիանէն աղաւնոյն օդնականութեամբն ըրաւ: Անոր համար թէ տկար թէ զօրաւոր ըլլողները, կանայք եւ տղաք՝ առիթն եկած ատեն՝ կրնան շատ բարի գործքեր գործել, բաւական որ կամք ունենան, եւ միամտութեամբ Աստուծոյ վստահին, ինչպէս որ Ռողալինտն եւ Յուլիանէն ըրին:

Ասոր վրայ քիչ մը լուռ կենալէն ետեւ ասպետն

ըսաւ . Որովհետեւ իմ դղեակս կայսրութեան սահմաններուն նախապարիսպներէն մշկն է , անոր համար Յուլիանէն առանց թրոյ օգնականութեան առ հարկաւոր ամրոցը կործանմանէ պահելով մեծ եւ երեւելի գործք մը գործած է : Արդ կուղեմ առ ամէն բան կայսեր պատմել եւ իրմէ խնդրել որ ինք Հռհենպուրկի դղեակին ասպետուհին եղած ատեն՝ իր զինադրոշմին մէջ բերանոր ձիթենւոյ ճիւղով ճերմակ աղաւնի մ'ալ կարող ըլլայ դնել :

Կատ աղեկ մտածեցիր , բարեկամ , պատասխան տուաւ Օդդիլիան : Բայց ես կը բաղձամ հիմակուընէ իրեն փոքր յիշատակ մը տալ : — Մօրը նշան ընեւլով՝ Ագնէս դուրս ելաւ , եւ շուտ մը ետ դարձաւ աղաւնին ձեռքը , զորն որ հետը բերած էր , բայց մինչեւ նյին ատեն չէր ցուցուցած : Գեղեցիկ թըռչունը՝ կտուցին մէջ ադամանդներով զարդարուած ձիթենւոյ ճիւղ մը բռնած՝ եկաւ Յուլիանէին ձեռքին վրայ նստեցաւ : Սիրելի աղջիկս , ըսաւ Օդդիլիան , ընդունէ առ ձիթենւոյ ճիւղը իրբեւ երախտագիտութեան թեթեւ ցոյց մը եւ իրբեւ մեր աղատութեան յիշատակը : Պատիկութեանս ատեն՝ մայրս ասիկա ինձի տուած էր , եւ խօսք մ'ալ զրուցած էր , զորն որ երբեք չմոռցայ եւ այսօր մեր գեակքովն աւելի եւ հաստատուեցաւ : Ահաւասիկ նյին խօսքը .

Յոյսըդ ըոլըր յԱստուած դիր ,
Արտանդ մ'ալ քեզ չիհամնիր .
Զընես շարիք կամ վընաս
Ըրէ բարիքն որ կըրնաս :
Զարն՝ անպատիժ շիմընար
Լաւ գործն առնու վարձք արդար :

Բ. ՅՈՎԱՆՆԵՍ Վ. ՅՈՒՏՈՒՄ

Կ Ա Մ

ԶԱՐ ԸՆԿԵՐՆԵՐՈՒ ՎԱՆՍՏ

Պլարու Ռորերդոս Մակոնի վաճառականութեամբ
ժողված մեծամեծ հարստութիւններովը Հնդկաս-
տանէն իր հայրենիքը դառնալով՝ Անգղիայի Եորկ
գաւառը գեղի մը մէջ աղուոր տուն մը գնեց ու հոն
կը բնակէր իր ամուսնոյն ու երկու մանչ զաւակնե-
րուն հետ՝ որոնցմէ մէկը տաստիրեք ու մէկալը
տասնումէկ տարւան էին։ Առ խեղձերը՝ մինչուկ
նոյն ատեն Հնդկաստանի կողմերը պատեհ առիթ-
չգտնուելով՝ աղէկ կրթութիւն չէին կրցած ստա-
նալ, անոր համար խնամու հօրերնուն առջի փոյթն
աս եղաւ որ քաջ դաստիարակ մը գտնէ, որովհետեւ
կը վախնար զիրենք դպրոց տալ, եւ կ'ուզէր որ միշտ
իրեն ու մօրերնուն քովին ըլլան, որն որ հիւանդուա
ալ ըլլալով՝ աղոցմէն զատուիլ չէր ուզեր :

Պ. Մակոնին շատ ստակ խոստացաւ թէ որ ա-
ղէկ վարպետ մը գտնուի, բայց շատերուն մէջէն՝
որոնք աս բանիս իրենք զիրենք կ'առաջարկէին,
չգտնուեցաւ մէկը՝ որ վարպետի մը հարկաւոր եղած
ամէն պայմաններն ու կատարելութիւններն ունենայ:
Իր տնէն քիչ մը հեռու արքունի ճամբուն վրայ գեղ
մը կար. օր մը ԶՅ տարւան երիտասարդին մէ-
կը աս գեղը հասնելով՝ մեծ պանդոկն իջաւ. վրան
գլուխը շատ մաքուր էր, պանդոկին մէջ ամու մը
համար տեղ բռնեց ու ստակը վճարեց։ Բոլոր իր
կահը պարկ մըն էր, բայց ինչպէս ըսինք, մաքուր
հազուած ու պատուական քարէ աղուոր ու մեծա-
դին մատնի մ'ալ մատն անցուցած էր. շատ քա-
ղաքավար ու ազնուաբարոյ ու քաղցր բնութիւն ու-
նէր Յովհաննէս Առւտուրն (ասանկ կը կոչուէր աս

ստարականը), որով եւ քիչ ատենի մէջ մեծ անուն հանեց, թէպէտեւ շատ քիչ մարդու հետ կը տեսնուէր: Պ. Մակոնին՝ որ շատ անդամ մօտ գեղը զբոսանքի համար կ'երթար ու նոյն պանդոկը կ'իջնար, դիպուածով մը Վուտսընին հետ տեսնուեցաւ: Անոր կատարելութիւններն ու խելացի խօսքերը, որոնցմով կը ցուցընէր որ գլխէն շատ բան անցած ու աղէկ կրթուած մարդ էր, զինքը շատ սիրելի ըրին Պ. Մակոնիին, ուստի եւ օր մը իր տունը հրաւիրեց

Վ ուտսըն աս հրաւէրն ընդունեցաւ ու Պ. Մակոնին ալ աւելի եւս իր հիւրին խորին գիտութիւնն ու իմաստութիւնը փորձելու երկար ատեն ունեցաւ: Օր մը երբ որ անոր հետ իր ազոցը յարմար գաստիարակ գանելու վրայ կը խօսէր, Վուտսըն առաջարկեց որ ինք աս պաշտօնը յանձն առնէ: Պ. Մակոնին ասիկայ իրեն մեծ բախտ մը սեպելով՝ առջեւը դրաւ մէկիկ մէկիկ ան ամէն պայմանները, որոնցմով կրնար իր տունը մանել: Պայմանները շատ յարմար ըլլալով՝ Վուտսըն յանձն առաւ, եւ իր կողմանէ ուրիշ պայման շդրաւ, բայց եթէ աս որ իր ընտանեացն ու նախընթաց կենացը վրայ հարցում չըլլայ: Թէպէտ աս պայմանը շատ հետաքրքրական բան էր, բայց Պ. Մակոնի շընդդիմացաւ, եւ խոստացաւ որ շատ ճշշդութեամբ իր աս բաղձանքը կատարելու կը ջանայ:

Վ ուտսըն աս ընտանեաց անդամ ու քիչ ատենի մէջ իր աշկերտներուն սիրելի եղաւ, ու մեծ համբաւ հանեց: Պ. Մակոնիին զաւկըները իրենց գաստիարակին գասերէն շատ օգուտ քաղեցին, եւ մէկ ու կէս տարւան մէջ անանկ յառաջ գացին, որ իրենց հասակակիցներուն մէջ իրենցմէ աւելի բան գիտցող չկար: Պ. Մակոնի օր աւուր վրայ աւելի գոհ կ'երեւար ասանկ գաստիարակ մը ընարելուն. իր աշքին ուրիշ բան անհաճոյ չէր երեւար, բայց եթէ Վուտսընին արտմութիւնը, որն որ կը աեսնուէր թէ ընա-

կան չէ: Բայց ասոր վրայ ամենեւին բերան չէր բանար՝ Վուտօրնին բաղձանքին նայելով, որ իր ինչ մարդ ըլլալը կ'ուղէր գաղտ պահել: Ասանկով երեք տարի անցաւ, ու միշտ նոյն բաները կը տեսնութիւն, այս ինքն՝ զաւկըներուն յառաջադիմութիւնը, հօրերնուն գոհութիւնն ու Վուտօրնին տրտմութիւնը:

Օր մը երբ որ Վուտօրն իր աշկերտները դլուխը ժողված կը նստէր, նոյն գեղը անծանօթ զգեստով սուրհանդակ մը հասաւ, որն որ դաստիարակը կը փնտուէր: Վուտօրն սուրհանդակին որ տեսաւ՝ երեսին գոյնը նետեց, բայց սուրհանդակը շատ պատով ու յարդութեամբ անոր նամակ մը տուաւ: Վուտօրն նամակը կարդալէն ետեւ՝ կաւ է, դուն գնա, ըստւ. աս խօսքն ու սուրհանդակին ձիւն զարնելն ու սրանալը մէկ եղաւ:

Երկրորդ առաւա Վուտօրն տանը մէջէն աներեւացիթ եղած էր: Տնեցիք վախցած ու սարսափած էին. Մակոնիին զաւկըներուն մեծ ցաւն ու տրտմութիւնը չիկրնար խօսքով պատմուիլ, որովհետեւ քանի որ տարիքնին կ'առնեին, այնչափ աւելի իրենց դաստիարակին վրայ սէրերնին կ'աւենար: Իր խուցը ուրիշ բան չգտնուեցաւ, բայց եթէ իր պարկն ու Պ. Մակոնիին զրուած նամակ մը: Մակոնի բացաւ նամակն ու կարդաց, Թօղութիւն ըրէ, ազնիւ Պարոն, որ առանց հրաժարական ողջոյն մը տալու՝ հրամանոցդ տունը թողարկի. բայց ինչ ընեմ, արտաքոյ կարդի հարկաւոր բան մը պատահեցաւ, որմէ աս կերպով ձեր տունը թող տալու ստիպուեցայ: Լացէք, լացէք ինծի հետ մէկտեղ ասանկ ողորմելի ու ասպեր ջանիկ անձս, որ պարապ տեղ խղճի հանդարտութիւնը նորէն ստանալու աշխատեցայ: Ասկից աւելի բան հիմակու հիմա չեմ կընար զրուցել: Աը յուս սամ որ վեց ամսէն ետ կը գառնամ, ու զաւկըներնուդ կըթութիւնը յառաջ տանելու կը սկսիմ:

Բայց թէ որ չեմ դառնար, ան ատեն կ'իմանաք թէ
ով է եղեր ան ողօրմելին, որ այնչափ տարի ձեր
քովը հիւրի պէս կեցաւ: Իմ պարկիս մէջ զաւկըներ-
նուդ համար պղափիկ միշատակ մը թողուցեր եմ.
մնացածն աղքատաց համար է, կ'աղաչեմ անոնց
բաժնեիք: Իմ վարձքս ալ, որն որ չորս տարիէ ի
վեր չեմ առած, ձեզի կը յանձնեմ, բարի գործքի
մը գործածեցէք: Ինձի հարկաւոր չէ:

Ասոր վրայ Պ. Մակոնի շատ զարմացաւ, ու արբ-
ուտմ տխուր կը կենար, եւ ոչ բերանն անդամ կը բա-
ցուէր: Պարկին մէջ իր զաւկըներուն գրուած նամակ
մ'ալ դտնուեցաւ, որուն մէջ Վուտարն իմաստուն
խրաներ կու տար իր աշկերտներուն, եւ անոնց կը
ցուցըներ թէ ինչ ճամփայ պիտօր բռնեն, երբ որ
քիչ մը ետքը ընկերութեան ու գործքի մէջ մանե-
լու ըլլան: Ազնիւ քարերով զարդարուած երկու
ոսկի ժամացոյց ալ կար, որսոց վրայ Վուտարնին
պատկերը նկարուած էր, ասոնք իր երկու աշկերտ-
ներուն համար որոշուած էին: Իր ամեն զգեստներն
ու դրքերը եւ իր պատուական մատնին ալ՝ որն որ
միշտ մատը կը կրեր, աղքատաց թող տրուած ըլ-
լալով՝ ծախեցին եւ աղքատներուն բաշխեցին:

Ենցաւ վեց ամիսը, բայց եկող գայող չեղաւ,
անցաւ ինն ամիս ու մէկ տարի, բայց Վուտարն չե-
րեւցաւ, եւ ոչ ալ վրան լուր մը կրցան ունենալ:
Աս միջոցին Պ. Մակոնիին խաթթունը մեռած էր,
եւ ինք Վուտարնին դարձէն յուսահատելով՝ միտքը
դրաւ որ զաւկըները կը թուելու եւ իրենց ուսումը
լմբնցընելու համար երկու տարի ալ դպրոց մը դնէ:
Աս երկու տարին ալ անցնելէն ետքը՝ ուղեց որ
խտալիայի ու գաղղիայի մէջ ճամբորդութիւն մ'ընեն,
որպէս զի դրսի երկիրներու մէջ պտրակելով ու զա-
նազան աղդերու սովորութիւններն ու բարքը ճանչ-
նալով եւ միանդամայն բնութեան ու արուեստի գե-

զեցկութիւնները տեսնելով, մոքերնին բացուի ու
իրենց հարկաւոր ծանօթութիւնները ստանան:

Այդ երկու երիտասարդները դայեակով մը եւ զա-
նազան յանձնարարութեան թղթերով ճամբայ ելան:
Երկու ամսու չափ Փարիզ կենալէն ետքը՝ թողուցին
ան մայրաքաղաքը ու Գալլիայի հարաւային կողմե-
րը սկսան պատիլ, մոքերնին դրած էին որ Լիվու-
նոյին վրայէն Հռոմ անցնին, եւ ետքը Նէալոլիս
երթան: Երբոր Մարսիլիա կը մօտենային, մէյ մ'ալ
գիշերը քանի մը գողեր վրանին ինկան, եւ ի-
րենց բոլոր աղին ու կահն առնելէն ետքը՝ քսակ-
նին ու ժամացոյցնին ուղեցին: Պարապ էր անոնց
դէմ կենալ. ուստի եւ ուղելով չուզելով հնազան-
դեցան ու հանեցին տուին: Գողերէն մէկը ժողվեց
առաւ աս ամէն բանը. բայց ան ժամացոյցներուն
նայելով՝ ընկերներէն մէկը կանչեց, եւ անոր հետ
խել մը ատեն ծածուկ խօսելէն ետքը՝ նորէն կառքին
մօտենալով՝ Պարոններ, ըստ, աս ժամացոյցներն
որմէ առած էր, ով տուաւ ձեզի ասոնք, կը ճանչ-
նաք ան անձը՝ որուն պատկերը ասոնց վրայ նկա-
րուած է: — Հրամեր ես, Պարոն, ըսին Մակոնիին
տղաքը, մէր վարպետը մեզի տուած է, ու վրայինը
իրեն պատկերն է. ո՞չ եթէ գիտնայիք թէ ո՞րչափ
սիրելի է մեզի իր յիշատակը, աս ժամացոյցները ձե-
ռուըներնես չեիք առներ: — Ստուգիւ ալ չենք
առներ, կրկնեց գողը. առէք ձեր քսակները, ժա-
մացոյցներն ու ամէն ունեցածնիդ: Ընկեր, պո-
ռաց, բեր ամէն առածներդ, դիր կառքին վրայ, ու
թող որ մօտ գեղն երթայ, բայց դուք, տեարք իմ,
շնորհք ըրէք մեզի հետ եկէք ... մի վախնաք ձեզի
բան մը չենք ըներ . . . , ձեզ մեր մեծին պիտի տա-
նինք. անիկա ձեր հին բարեկամն ու ճանչուորն է
եղեր, ու զձեզ շատ հաճութեամբ պիտի տեսնէ:

Ո՞վ կընար ըլլալ ասիկայ, բայց եթէ Վուտորն:

Մակոնիին որդիքն առանց վախնալու գողերուն եւ տեւէն գային անտառին ներսի կողմերը, մինչուկ եկան հասան մէկ հին ու փլվիկած գղեակ մը։ Հոն գողերէն մէկը հրացան մը պարպելով նշան տուաւ, եւ դաշտուկ դուռ մը բացուելով՝ ներս մտան, ու եկան ամեն տեսակ կարասիկով յարդարուն խոց մը, ուր երբ որ ճանչցան իրենց հին վարպետը, անմիջապէս անոր վիզը պլուեցան ու լային. մոռցան ալ անոր աւազակապետ ըլլալը, ուրիշ բան մտքերնէն չեր անցներ, բայց եթէ որ իրենց տղայութեան սիրելի գաստիարակը տեսան։ Ան դղեակին մէջ մնացին բոլոր գիշերը. իրիկուան կերակրոյ ատեն Վուա սըն, որ սովարականէն տւելի տրտում էր, արցունք թափելով պատմեց իր պատմութիւնը։

Օճէպէտ եւ ինծի շատ դժուար ու շատ ցաւալի բան է, բաւ, իմ կենացս ընթացքն ու դլուխս եկած բանները մէկիկ մէկիկ պատմել, բայց պէտք է որ պատմեմ, վասն զի խոստացած եմ ձեր հօրը ծանուցաննել, թէ ով էր ան ողորմելին՝ որ այնչափ ատեն տունն ընդունեցաւ, եւ դարձեալ կ'ուզեմ որ իմ գլխէս անցած տրտմալի դէպքերը ձեզի օրինակ ըլլան՝ որ զգուշանաք եւ ուղիղ ճամբէն դուրս չելլէք։ Իմ անունս Լուգովիկոս Տիւվալ է. Նորմանտիայի հարուստ ազնուականի մը զաւակ էի. ծնողքս ինծի մեր ընտանեաց ու հարստութեան վայել կրթութիւն մը տուին։ Խելքս միտքս առաքինութեան գործքերու ալ մնլութեան ալ հաւասարապէս բաց էր, չարն ու բարին կը հասկընայի։ Մէկ քանի չար ընկերներս զիս գլխէ հանեցին ու աւրեցին։ Ան ատեններն ալ հայրս զիս ինք իր գլխուս ֆարիզ խաւրեց որ հոն ուսմունքս լմբնցընեմ։ Կոյն տեղը շատ սխալեցաւ հայրս, որովհետեւ ինծի պէս երիտասարդ մը իր քովէն բոլորովին բաժնեց ու քովս խոհեմ ու հաստն մարդ մը չդրաւ։ Ինծի ստակ պակաս չըլ-

լաղով՝ ան մայրաքաղքին ամեն զուարձութիւններուն եւ ուրախութիւններուն մէջ կրնայի մտնել . միանագամայն շողպքորթներ ու չար ընկերներ ալ չեին պակասեր : Երբ որ միտքս կու դայ, կը դողամ ու կը սարսափիմ, երբ որ կը յիշեմ որ առաքինութեան ծաղիկն արգելն իմ սրտիս մէջ ունենալով, ինչպէս եղաւ որ կամաց կամաց, ոտք ոտք յառաջ երթալով, վերջին աստիճան անպիտանութեան հասայ, եւ հիմա առազակներու գլուխ եղած կը դանուիմ:

Հայրս զոհ եղաւ վերջին յեղափոխութեան, որ հայրենիքս ապականեց . բոլոր իր ունեցածը տէրութիւնն առաւ, որով ես ալ վերջին ողօրմելութեան հասայ: Աս բաւական էր ինձի որ դառնամ եւ առաքինի կեանք մը անցընելու սկսիմ: Իմ գիտածովս ու սորվածովս կրնայի հայս դանել: Բայց դժբախտութեամբ ճանչուորութիւն ունեի քանի մը անանկ չար ընկերներու հետ՝ որոնք, ինչպէս ինձի կ'երեւար, ուտելու հայ չունենալով՝ առազակութիւն կ'ընէին, ես ալ դացի անոնց մէջ խառնուեցայ . մեր դունդը շուտ մը մեծցաւ, եւ ես գլուխ ընտրուեցայ:

Քանի մը տարի անցնելէն ետքը՝ մերիններէն շատերը տէրութեան ձեռքն ինկան, իսկ մնացածներն ասդին անդին ցրուեցան փախան: Ես ալ Անգղիա անցայ, անունս ալ փոխեցի Յովհաննէս Վուտուրն դրի, ու ձեր տունն ընդունելութիւն դտայ: Ճոն լաւ ու բարեպաշտ ընտանեաց մէջ՝ ձեր կրթութեանը զբաղելով եւ չար ընկերներէն հեռու ըլլալով, պէտք էր որ սրտիս մէջ անցած դացած կեանաքիս վրայ զղջումս աճէր . որչափ անգամ առաջադրութիւններ դրի որ ալ առաքինութեան ճամբէն դուրս չելլեմ: Աակայն քանի մը տարի ետքը իմ հին ընկերներս՝ Գաղղիայի հարաւային դին ցրուած դունդը նորէն կարգի դնելով, թղթով մը զիս կը կանչէին, որ նորէն դամ ու իրենց գլուխ ըլլամ: Ան եղեռ-

նաւոր թուղթը՝ զորն ոք անոնցմէ սուրհանդակի զգեստ մտած ծպտեալ մարդ մը՝ ձեր զեղի տունը ինծի բերաւ, ամեն առաջադրութիւններս տակն ու վրայ ըրաւ։ Հնուցմէ դէշի ստացած ունակութիւնս յաղթեց ինծի, ու մէկանց թողուցի ձեր ընտանիքը։

Ով իմ սիրելիքս, եթէ հեղ մը կարող ըլլաք դիտնալ որ աս երեք տարւանս մէջ ինչ սրտի մաշուկ կրած եմ, ինծի հետ մէկտեղ ասանկ չար օրինակի ու երիտասարդական թեթեւամտութեան զոհ եղած մարդու մը վրայ լալէն չէք դադրիր։ Առողջութեանս կողմանէ ալ աղէկ չեմ. քիչ մը ետքը կեանքս լմբննայ ու Աստուծոյ անաշառ դատաստանին առջեւն ելլեմ նէ, ինչ պատասխան պիտի տամ, որչափ սոսկալի անեծքներ իմ վրաս պիտի չկարդամ։

Ասոնք ըսելով խեղճ Տիւվալ աչուքներէն հեղեղի պէս արցունք կը թափէր։ Պարապ տեղ կ'աշխատէին իր աշկերաները զինքն համոզելու, ըսելով որ աս զղջումը շատ օգտակար կրնայ ըլլալ։ Ինք բերնէն խօսք մը չէք կրնար հանել. շատ անդամ անոնց փաթթուելէն ետքը՝ խուցը քաշուեցաւ. նոյնպէս Մակոնիին օրդիքն ալ պառկելու դային։

Երկրորդ օրը առտուանց կանուխ Տիւվալ իր ձեռասուն աշկերաներուն խուցը մտաւ։ Ելէք, ըսաւ, իմ սիրելիններս, ելէք մօտաւոր զեղը զայէք՝ ուր որ կառքերնիդ կեցած է, իմ մարդիկներէս երկու հոգի կու տամ, որ մինչեւ արքունի ճամբան ձեղի առաջնորդեն։ Մակոնիին տղաքը սարսափած մնացին երբոր անոր երեսը ճեփի ճերմակ ու տժդյն, աչուքները ներս դայած տեսան, դէմքին այլայլութիւնը սրտին մէջ քաշած նեղութեանը հայլին էր։ Ով սիրելի վարպետս, ըսաւ մէջերնէն մէկը, շատ սրբամաշուկ կը կրեք. ո՞չ, կրնամ արդեօք ձեղի օգնութիւն մ'ընել։ Գուցէ կրնաք, ըսաւ Տիւվալ. դոք աղէկ քնացեր էք, ինչու որ քունը միայն շարագործ-

ներէն կը փախչի, ես բոլոր աս գիշեր արթուն էի, ինծի հետ կը պատերազմէի, բայց վերջապէս Առտուծով յաղթեցի: Մարսիլիա գացէք, հոն նաւ մը բռնեցէք, մինչեւ շաբաթ իրիկուն սպասեցէք ինծի, նաւը պատրաստ ըլլայ ճամբայ ելլելու, . . . կը յուսամ որ մինչուկ ան ատեն Մարսիլիա կ'ըլլամ, . . . մէկտեղ ճամբայ կ'ելլենք, ու վերջապէս ալ կը դանեմ ան սրտի խաղաղութիւնն՝ որն որ չէի յուսար երբեք ունենալ: Զգոյշ կեցէք որ շըլլայ թէ ասոր վրայ նշան մը ցուցընէք իմ մարդիկներուս. թէպէտ ինծի կուրակերպ կը հնազանդին, ու զիս շատ կը սիրեն, բայց եթէ իմանան որ փախչելու միտք ունիմ, ձեռքերնէն աղատելու յոյս չկայ: Երթաք բարով, . . . կամ շաբաթ իրիկուն կը տեսնուինք, եւ կամ ալ ամենեւին ոչ:

Մակոնիին որդիքը, սրտերնին ելած ու տրտմած, բայց իրենց վարպետը տեսնելու եւ իրենց հետ մէկտեղ տանելու յուսով իրենք զիրենք միսիթարելով, ճամբայ ելան ու երկու ժամն ետքը իրենց կառքին հասան: Նոյն իրիկունը (չորեքշաբաթի էր) հասան Մարսիլիա, ու երկրորդ օրը նաւ մը բռնեցին դէպի ի Լիվոռնոյ, ամէն բան անանկ կարդի դրին որ ամէն բոպէ պատրաստ էին ճամբայ ելլելու: Երկու օր անցնելէն ետքը, շաբաթ իրիկունն ալ կը մօտենար, բայց Տիւվալ չերեւցաւ: Տրտում ու տիսուր՝ խորունկ մտածելով սկսան դէպի ի ան կողմերն երկըննալ, ուստի կը յուսային որ կու գայ. հազիւ թէ քաղքէն դուրս ելած էին, մէյ մ'ալ ինչ կը նայիս, մէկ քանի գեղացիներ ուստիի (սէօֆտորի) կապոցներէն դագաղ (ճաղ) մը շինած ու վրան խորունկ խոյուած մարդ մը գրած՝ կը տանէին: Մօտեցան անոնց ու ճանչցան իրենց տղայութեան բարեկամը, որ արիւնլուայ եղած նուաղած կը պառկէր. Չարագործ Տիւվալին աւազակներէն վիրաւորեր է, ըստ անոնց գեղացիներէն մէկը. մէկդի գացէք, թող տուեք որ վազենք

Դ. Ա Ռ Խ Ե Կ

Կ Ա Մ

Ե Ր Ա Խ Տ Ա Գ Ի Տ Ո Ւ Թ Ի Ւ Ն

Ա. Հ Ա Վ Ե Ա Պ Պ Ա Յ :

ԵՊՐԻՎՆ վերջերը Սղեռոնֆելտի կոմսուհին՝ իր որդւցն եւ երկու աղջկանցը հետ կառքով իր երկիրները կ'երթար, որ գարնան գեղեցիկ օրերն հոն անցընէ: Ճամբան կառավարը շփոթելով՝ անտառի մը մէջ մոլորեցաւ, եւ որովհետեւ գետինը շատ խորտուրութէր, կառքը մեծ գժուարութեամբ քիչ մը տեղ յառաջ երթալէն ետեւ՝ անուին մէկը կոտրեցաւ: Ճամբորդները կառքէն վար իջան: Բայց կոմսուհւցն սիրան աս գժբախտութեան վրայ շատ նեղացաւ եւ այլայլեցաւ, վասն զի արեգակը մարը մանելու մօտ էր: Օրիորդները սաստիկ հոգի մէջ էին, վախնալով որ գիշերն անտառին մէջ պիտի անցընեն: Կոմսիկը թէպէտեւ զանոնք հանդարտցընելու կ'աշխատէր, բայց պարագ տեղ: Անխոհեմ կառավարը նեղ մտած՝ ճամբաններուն գեշութեան վրայ կը բարկանար, եւ ինչ ընելիքը չեր գիտեր:

Մէյ մ'ալ տեսան որ անդիին հովիւ տղայ մը վազելով դէպ իրենց կու գայ: Տղան քաղաքավարութեամբ մը իրենց բարեւ տալէն ետքը՝ Տիկնայք, ըստ, մի հոգաք. եղած գժբախտութեան ճարը դիւրին է, կոտրած անիւը մօտաւոր գեղին մէջ կրնայ դիւրութեամբ շինուիլ, հոն ճարտար կառագործ մը կայ: Աս ճամբան զձեղ շուտ մը հոն կը հանէ: Կառագործը քիչ ատենի մէջ կառքն այնպէս մը կը նորոգէ, որ կարող ըլլաք ճամբանիդ յառաջ տանիլ:

Աս խօսքերէն ետքը՝ բան մը վինտուելու պէս՝ չորս կողմը սկսաւ նայիլ, եւ ուրախութեամբ՝ Ահաւասիկ փայտ մը, ըստ, որ կառքը բոնեցընելու շատ բնար. Այդ.

աղէկ կու դայ , եւ ասով կառքը կամաց կամաց մինչեւ գեղ կրնայ երթալ : Ատուգիւ կառքով հոն երթալու ճամբան թէ գէշ է եւ թէ շատ ատեն հարկաւոր է , բայց ուրիշ ճար շկայ : Ի վերայ այսր ամենայնի թէ որ կը հածիք նէ թող կառավարը կառքով երթայ , եւ ես զձեղ անտառին մէջէն անանկ ճամբէ մը տանիմ , որ չէ թէ մինակ գեղեցիկ ու զուարձալի է , այլ նաեւ շատ ալ կարճ :

Կոմսուհին աս խօսքին հաւանելով՝ տղան շուտ մը գնաց փայտը բերաւ , եւ կառավարին օգնելով՝ չուանով մը կառքին կապեցին , որով կրցաւ կամաց կամաց ան խորտուբորտ ճամբէն երթալ : Իսկ կոմսուհին եւ իր զաւկըները տղուն հետ մէկտեղ գեղեցիկ վտակի մը քովէն՝ զանազան ծաղիկներով զարդարուած գալարածեւ ճամբէ մը սկսան յառաջ երթալ :

Վհիչ մը քալելէն ետեւ՝ մէկէն սոխակ մը անսուշու քաղցր ճայնով սկսաւ երգել : Ամէնն ալ կանկ առին , որ կարենան աղէկ մը մտիկ ընել : Կոմսուհին եւ իր զաւկըները ծառի կոճղի մը վրայ նստեցան : Ամէն կողմ հանդարտ եւ խաղաղ էր . իրիկուան քաղցր հովէն շարժած տերեւներու թեթեւ խարշափելէն , եւ յստակ առուակի մը կարկաչելէն ուրիշ բան չէր լսուեր :

Երբ որ սոխակը լոեց՝ կոմսուհին սաստիկ զմայլած ըստ . Տէր Աստուած , աս ի՞նչ սիրուն երգ էր : Հարիւր Փիսրին կու տայի որ մեր գեղի պարտիզին մէջ ասանկ թռչուն մ"ունենամ : Քաղաքը շատ անդամ ասանկ սոխակներու երգեր լսած եմ , բայց ի՞նչ տարբերութիւն : Հոս լոիկ անտառին մէջ՝ որ լուսինն իր արծաթափայլ ճառագայթները երկնից ընդարձակ կամարին մէջ կը սկսի ծագել , որ երեկոյեան աստղը՝ պայծառ թագուհւոյ մը պէս՝ իր անհամար ընկերներուն մէջէն կը բարձրանայ , հոս՝ գեղեցիկ

բնութեան ծոցը՝ սոխակին սքանչելի երգն այնպիսի
զմայլեցուցիչ ու քաղցր բան մըն է, որ զիս սաստիկ
շարժեց : Այս, կը կրկնեմ ու դարձեալ կը կրկնեմ,
շատ սիրով հարիւր ֆիորին եւ աւելի եւս կու տայի,
որպէս զի մեր գեղի տան պարտիզին մէջ աս տեսակ
թռչուն ունենամ :

Վայնպէս, ըստ տղան. հարիւր ֆիորինը քիչ բան
չէ. եւ վաստրկելու առիթը դիւրտ ձեռք չ'անցնիր:

Առմսիկն իրեն նշան ըստ՝ որ լուէ, վասն զի սո-
խակը նորեն երգելու սկսած էր: Բայց սրովհետեւ
դիշերը կը կոխէր, կոմսուհին քիչ մը ժամանակ ալ-
մտիկ ընելէն ետքը՝ ակամայ ձամբայ ելու ու դէպ ի
դեղ սկսաւ երթալ: Տիկնայք առջեւեն կը քալէին.
իսկ կոմսիկը հովիւ տղուն հետ ետեւ մնալով՝ սկսան
մէջերնին խօսիլ: Ինծի կ'երեւայ որ, ըստ տղան, տի-
կինը գիւրաւ կրնայ թռչնոյ վանդակ մը հոգալ:

Խօսքը վանդակի մը մէջ փակուած սոխակի վրայ
չէ, պատասխանեց կոմսիկը. մայրս մեր պարտիզին ան-
տառներուն մէջ կ'ուզէ աս սիրուն թռչնոյն գեղե-
ցիկ երգը լսել:

Գեղջուկը քիչ մը ինք իրեն մտածելէն ետեւ՝
պարտիզին եւ մէջի ծառերուն ու թփերուն տեսա-
կին վրայ տեղեկութիւն ուզեց, եւ ետքը՝ Կը յու-
սամ որ, ըստ, ձեր պարտիզին անտառները կամաց
կամաց սոխակով կը լեցուին: Իմ թռչնորս բարե-
կամներէս մէկը սոխակ բռնելու կերպը սորվեցուցած է
ինծի: Միտքս դրածս անկարելի է որ կարող ըլլամ
աս շաբաթ կատարել, բայց խօսք կու տամ որ
ստուգիւ եկող շաբաթ ձեր պարտիզին արձագանդ-
ները սոխակներու երգերով հնչեն: Մէջ մը հա-
րիւր ֆիորինը ձեռք ձգէի:

Առմսիկը հարցուց որ Հարիւր ֆիորինն ի՞նչ պիտի
ընես :

Կ'նչ պիտի ընեմ, պատասխանեց տղան՝ հառա-

չելով մը, ո՞չ, աս ստակը իմ երջանկութեանս պատճառ կրնայ ըլլալ: Կայեցէք, Պարոնիկս, իմ հայրս բանուոր է. աս մօտերը առողջութիւնը շատ տկարացաւ, եւ հիմա հիւանդ կը պառկի: Այսօր ճամբայ ելայ՝ որ երժամ զինքը տեսնեմ ու հոգամ, որով հետեւ երկու տարի է որ մայրս մեռած է եւ տան մէջ մարդ չկայ: Ես աս անտառին բերանն եղած կալուածը վարձքի բռնող գեղացւոյն քովը մտած եմ, որ հօրս ծանրութիւն չըլլամ: Ան ալ զիս իր այծերը պահպանելու կը գործածէ. բայց ասով բան մը չեմ վաստրկիր: Ծատ անգամ ծառի մը տակ նստած եւ իմ փոքր հօտս արածած ատենս՝ ինք իրենս կը մտածեմ որ Աս գործքս՝ խելք ու միտք ունեցող մարդու մը պատշաճ զբաղմունք չէ. կենդանի պահելը երեւելի բան մը չէ: Յաճախ կու լամ եւ Աստուծոյ կ'աղաչեմ որ ինձի օգնութիւն ընէ, որպէս զեմծնալին ետեւ կարող ըլլամ ընկերութեան օդտակար անդամ ըլլալ:

Անձ բաղձանք ունիմ արուեստ մը սորվելու, կառագործութեան շատ սէր ունիմ: Կը տեսնեմ որ անտառին մէջէն կոշտ վայտ մը կտրեն ու անկէ դեղեցիկ կառք մը շինելը՝ զարմանալի բան է: Ծատ անգամ ասոր վրայ ձեր կառքին անիւր շինող կառագործին հետ խօսեցայ եւ աղաչեցի որ զիս իրեն աշկերտութեան առնէ: Բայց միշտ կը պատասխանէ թէ Պէտք է որ յիսուն ֆիորին տաս. ասկից զատ կ'ուզէ որ մաքուր զգեստ հագնիմ, եւ բաւական ճերմկեղէն ալ ունենամ: Կառագործն աղէկ մարդէ. բայց կ'ուզէ որ ամէն բան մաքուր ու կարգաւորեալ ըլլայ, անպիտան զգեստներովս զիս քովն առնել չ'ուզէր: Այսպէսով աշկերտութեան ու զգեստի համար հարկաւոր եղած ստակը հարիւր ֆիորինի կը հանի: Բայց ես ուսկից կրնամ այսչափ ստակ գտնել: Հայրս բոլոր ունեցածն ինձի համար կ'ուզէ

զոհել. բայց ամէն ունեցածը չտնեցածը ծախելու ալ ըլլայ՝ չիկրնար հարիւր ֆիորին ճարել:

Տղան ասոնք խօսելու ատեն՝ աշուրներէն առատ արցունք կը թափէր: Մի լար, ըստ իրեն կոմսիկը՝ շարժած ձայնով: Թէ որ ըստածներդ ստոյդ են նէ, ես քեզի կ'օդնեմ: Գնա, քու բարուցդ եւ հօրդ չքաւութեան վրայ գեղիդ ժողովրդապետէն վկայական մը բեր, ես քեզի համար կառագործին յիսուն ֆիորին վճարելով՝ դքեզ իրեն քովն աշկերտ կը գնեմ: Սոխակն առջի անգամ մեր պարաիզին մէջ երգելուն պէս՝ աս ստակը կ'ընդունիս: Խոկ մնացած յիսուն ֆիորինն ալ կը հոգանք: Բայց սոխակին մեր պարաիզին մէջ երգելէն յառաջ՝ մէկու մը բան մը չըսես պիտի: Կ'ուզեմ որ ասով իմ սիրելի մօրս մէկ յանկարծական ուրախութիւն ու զարմանք մը պատճառեմ:

Աս խօսակցութիւններով գեղ հասան: Կառագործը կառքին անխւը լմբնցուցած էր, եւ ճամբայ ելլելու համար ամէն բան պատրաստ էր: Կոմսիկը զիտուագործը մէկդի առնելով՝ հարցուց որ Հովիւ տղան կը ճանչնաս: Կառագործը տղուն ըստածները հաստատեց, եւ անոր բարի վարուցը եւ հօրը վրայ ունեցած սիրոյն ու յարդութեան աղէկ վկայութիւն տուաւ: Աս մօտերը գանուսող տղոց՝ ամենէն խելօքն է, ըստ: միանգամայն ավնուական սիրտ ու սուր խելք սենի, շատ ալ աշխոյժ է: Շատոնցուընէ զինքն ինծի աշկերտ կ'առնելի, թէ որ իմ սեպհական վիճակս թող տալու ըլլար. բայց յիսուն ֆիորինէն պակասով՝ չեմ կրնար քովս աւնել:

Կոմսուհին կառագործին ստակը տուաւ, եւ հովիւ տղուն ալ առատ պարգեւ տալով՝ կառքը մտաւ: Կոմսիկը ցած ձայնով մը իրենց դղեակին անունը տղուն զրուցելէն ետեւ՝ Եթէ որ սոխակը յաջողցընես բռնես նէ, ըստ, գաղտաւկ դղեակը բեր.

ևս յառաջագոյն պարտիզանին կը զրուցեմ։ Գուն
իրեն գնա, անիկա քեզի գնելու տեղդ կը ցուցընէ։

Ես ըսելէն ետեւ կառքը մտնելով՝ մօրը քովը
նստեցաւ։ Կառավարն ուրախութեամբ մը փողը հրն-
չեցաց, եւ ծիերուն զարնելով՝ սկսան երթալ։

Բ. Առեալի բոյնը։

Դովիւ տղան՝ որուն անունը գերոդ էր, աճապա-
րեց գնաց իր հօրը, թէպէտ եւ ատենն ուշ էր եւ
գրեթէ երկու մղսն ճամբայ պէտք էր ընել։ Հոն հա-
սած ժամանակը՝ իր սիրելի հայրը վտանգէ դուրս եւ
գրեթէ առողջացած տեսնելով՝ սաստիկ ուրախացաւ։
Կոմսուհիէն առած ստրկովն երկրորդ օրը գնաց շիշ
մը հին զինի, միս ու ճերմակ հաց գնեց, եւ ինքն ան-
ձամբ մնի ջրով ապուր մը եփեց, որն որ շատ մեծ
օգուտ ըրաւ խեղճ հիւանդին։

Հայրն այսպէս հոգալէն ետեւ՝ երբորդ օրը կա-
նուխ ելաւ մօտաւոր անտառին նոյն տեղը գնաց, ուրոք
երեք օր յառաջ սոխակին երգը լսած էր։ Չորս զին
աղէկ մը վինտուելէն ետեւ՝ վերջապէս ուռիի ծառի
մը վրայ թռչնոց բոյնը դտաւ, որուն մէջ հինգ դե-
ղնցիկ ձագ կար։ Անմիջապէս ասոնց հայրն ու մայ-
րը բռնելու համար ասդին անդին զանազան դարան-
ներ դրաւ, եւ ինք դարձաւ իր հայրը հոգալու։ Դէպ
ի կէսօր նորէն անտառ եկաւ. եւ ի՞նչ ուրախու-
թիւն ու ցնծութիւն չզգաց՝ երբ որ երկու սոխակն
ալ բռնուած տեսաւ։

Արդէն յառաջագոյն վանդակ մը պատրաստած
ըլլալով՝ շուտ մը թռչուններն ու ձագերուն բոյնը
մէջը դրաւ, ու բոլոր զօրութեամբ գէպ ի Սդեռն-
ֆելտի գղեակն սկսաւ վաղել։ Պարտիզանը կոմ-
սիկին հրամանին համաձայն՝ զինքը շատ սիրով ընդ-
ունեցաւ, իրեն աղէկ կերակուր տուաւ ու դղեկին
ընդարձակ պարտիզին մէջ պարտցուց։ Գեղջուկ տղան

շատ զարմացաւ, երբոր տեսաւ ան գեղեցիկ ծառեւրով զարդարուած երկայն բարակ ճամբաները, ան տեսակ տեսակ սիրուն ծաղիկներով զարդարուած մարդագետինները, ան մարմարիոնէ շինուած ազնիւ ամսններն ու արձանները, վերջապէս ան ամէն գեղեցիութիւնները՝ զրոնք կարծես թէ բնութիւնն ու ճարտարութիւնը իրարու հետ մրցելով՝ հոն ժողված էին :

Ատուղիւ ամէն մէկ քայլին նոր նոր ու զարմանալի բաներ կը տեսնէր : Պարտիղին մէջտեղը սիրուն զով անտառակ մը կար, որուն մէջ միայնարան մը շինած էին՝ գրսի գին ծառի կեղեւներով պատած ու վրան յարդով գոցուած : Անկից քիչ մը հեռու պըզտիկ սահմանք մը արուեստական ժայռի մը վրայէն իջնալով, խոխոջալով իր ականակիտ ալիքները՝ հազար տեսակ հոտաւէտ ծաղիկներով զարդարուած մարդագետնոյն մէջէն կ'անցընէր, եւ միայնարանին առջեւէն կը սահէր կ'երթար : Ասկիա կոմուհուցն ամենէն սիրելի տեղն էր, եւ ամառուան բնակութիւնը գտնուած առեն՝ գրեթէ օր չէր անցներ որ նոյն տեղը քիչ մը ատեն շկենայ :

Ասկից յիսուն քայլ հեռու՝ գետակին անդիի կողմը թանձր թփերու մէջ բարձր ուռի մը կար, ըստ ամենայնի ան ծառին նման՝ որուն վրայ գերդ սոխակին բոյնը գտած էր : Երբոր գիշերը կոխեց, հովվիւ տղան գնաց բոյնը հոն տեղաւորեց, վանդակն ալ բանալով հայրն ու մայրը թող տուաւ . եւ ինք լութեամբ ետ դարձաւ, գնաց պարտիղպանին քովը նոյն դիշերն անցուց :

Երկրորդ օրը Գեորգ առառանց կանուխ ելլելով՝ պարտէղ գնաց, ուռիին քովի թփերուն մէջ պահութեցաւ : Անկից միտ դրաւ որ ձագերը սաստիկ պուալով՝ անօթութիւննին կը յայտնէին : Քիչ մը վերջը տեսաւ որ հայրն ու մայրը ծառին վրայէն թռչը

տելով՝ կը մօտիկնային եւ ձագերնուն կերակուր կը բերէին։ Ասոր վրայ արտաքսյ կարգի ուրախանալով գնաց իր գործքին յաջողութիւնը կոմսիկին իմացուց։

Ազնիւ, ըստ կոմսիկը՝ քաղցրութեամբ մը գետրաց աւսերուն զարնելով, ճարպիկ տղայ մըն ես եղեր։ Յիսուն ֆիորինն արդէն քուկդ է. իսկ մնացած յիսուն ֆիորինն ալ շատ չ'անցնիր կ'ընդունիս։

Ետքը գնաց քոյրերուն ալ իմացուց իր դիտաւութիւնը, որ էր՝ իրենց սիրելի մօրն անուան օրը իրեն քաղցր զարմանք եւ ուրախութիւն մը պատճառել։ Աղաջեց որ ամենեւին բան մը չըսեն։ Իրենք ալ իրենց զբոսանաց համար արուած ստրկէն քիչ մը բան բերելով՝ հովիւ աղւուն խոստացուած յիսուն ֆիորինը շուտ մը ժողվեցին։

Գ. Քաղջը զարման։

Երկու օր օդը սաստիկ տիտոր եւ անձրեւոտ ըլլալով՝ կոմսուհին պարտեղ չկրցաւ ելլել. երրորդ օրը՝ որ իր անուան օրն էր, ամէն կողմէն հիւրեր դալով՝ դղետիկին մէջ մեծ խրախունք եղաւ։ Աերջապէս իրիկուան դէմ հիւրերը տեղերնին դային։

Աս գեղեցիկ իրիկունը տան մէջ չնստինք, ըստ կոմսուհին իր զաւկըներուն, եւ բոլոր օրն ունեցած աղմուկիներնէս հանգչելու համար երթանք պարտեղը պտոյտ մ'ընենք։

Շատ սիրով, սիրելի մայր, ըստ որդին, եթէ կը հաճիս նէ թեթեւ ընթրիքնիս ալ միայնարանին քովի ծառերուն տակն ընենք։

Կոմսուհին առաջարկութեան հաւանեցաւ, ուստի եւ ամէնքը մէկտեղ կամոց կամաց քալելով՝ դէպի ի միայնարանին կողմը կ'երթային։ Օրիսրդները շատ անգամ ածուներուն քով կենալով՝ ամենէն ընտիր ծաղիկներէն մէյմէկ վունջ կաղմեցին։ Աերջապէս միայնարանն հասան, եւ ամէնքն ալ խոտեղէն նըս-

տարանի մը վրայ նստեցան։ Գիշերն եկաւ հասաւ, լուսինը սկսաւ իր արծաթափայլ լոյսը ծառերուն ճիւղերուն մէջէն արձակել, եւ ճառագայթները գետակին ալիքներուն զարնելով՝ կարծես թէ ջրէն կրակ կ'ելլէր։ Միայնարանին չորս կողմն ամսններով յասմիկ եւ անոր նման ուրիշ ծաղիկներ շարուած էին, որոնք սքանչելի անուշահոտութիւն մը կը բուրեին։

Ի՞նչ երջանկութիւն է, սիրելի զաւկրներս, ըստ կոմսուհին, որ քիչ մը յառաջ անցուցած աղմկալց օրերնէս ետքը այսպէս ձեզի հետ միացած կ'ունենամ։ Ստուգիւ աշխարհքիս խոռովալից հաճութիւնները՝ աս իրիկուան քաղցր ուրախութեան քովով ոչինչ են։ Ի՞նչ է թաղաւորական որահներուն շքեղութիւնը՝ բնութեան պարզ զեղեցկութեան քով։ Ի՞նչպէս անհամ ու ձանձրանալի կ'երեւան երեւելի ընկերութիւններու մէջ եղած խօսակցութիւնները, երբ որ ընտանեաց մէջ եղած մտերմական խօսակցութիւններուն հետ կը համեմատուին։

Ամենքն ալ աս խօսքին հաւանեցան եւ հաստատեցին որ իրենց սիրելի մօրը քովին ունեցած հաճութեան պէօ՛ տեղ մը ունեցած չեն։ Աս ըսելով՝ նորէն սրտանց իր անուան օրը շնորհաւորեցին, եւ իրենց սէրը, յարգութիւնն ու իղձերը նորոգեցին։

Աիրելի զաւկրներս, ըստ կոմսուհին, միշտ բարի, համեստ ու բարեպաշտ եղէք, այնպէս՝ ինչպէս որ մինչեւ աս օրս էիք. ան ատեն երկրիս վրայ ամենեւին ուրիշ բանի բաղձանք չեմ ունենար, ան ատեն ստուգիւ կրնամ ինք զինքս ամենէն երջանիկ մայրը սեպել։

Կոմսուհին այսպէս խօսած ատեն՝ մէկէն ի մէկ կեցաւ։ Ո՞չ, ի՞նչ կը ըեմ կոր, ըստ զարմանալով մը. աս երգը՝ սոխակի երգ չէ մի՛ . . . Զէ, անկարելի է. աս պարտիզիս մէջ սոխակ չիկրնար ըլլալ . . . Բայց չէ, չեմ խարուիր կոր . . . ստուգիւ անտառ.

ներու սիրուն ու քաղցրաճայն երդշին ձայնն է .
արդեօք ի՞նչ դէպքով հոս եկեր է :

Կոմսիկը բանը վեր ի վերոյ մը պատմեց : Տիկինն
ուրախութենէն ինք իրմէ ելած էր : Զաւկըները
գրկեց ու շնորհակալ եղաւ որ իրեն այսպէս քաղցր
զարմանք եւ ուրախութիւն մը պատճառեցին :

Են ատեն կոմսիկը ճամբան հովիւ տղաւն հետ
խօսածներն ու իրեն յիսուն ֆիորին պատրաստելինն
ալ պատմելով՝ Մի տհաճիր, սիրելի մայր, ըստ, որ
մեր զբոսանաց համար մեղի արուած ստրկին մէկ
մասն աս ուրախութիւնը քեզի պատճառելու համար
գործածել ուզեցինք . որովհետեւ մեր սիրելի մօրը
ամենափոքր բաղձանքը կատարելու համար՝ յիսուն
ոսկի ալ տալու ըլլայինք՝ քիչ էր : Ստոյգ է որ հո-
վիւ տղան աս բոյնը քիչ ստրկով ալ մեղի կը բերէր,
բայց աս գործքիս մէջ մեր գիտաւորութիւնը միան-
գամայն բարի գործք մ'ալ գործել էր, որուն կը
յուսանք որ չես տհաճիր : Օր մը ան խեղճ տղան
կրնայ ընկերութեան օգտակար մարդ մ'ըլլալ, եւ
մեր յիսուն ֆիորինով իր երջանկութեան հիմը դրած
կըլլանք :

Չեր ազնուական բնութեանն ու իմ փոքր բաղձանքս
ալ կատարելու ունեցած փոյթերնուող վրայ շատ ու-
րախացայ, պատասխանեց կոմսուհին : Ի վերայ այսոր
ամենայնի կը խոստովանիմ որ աւելի եւս ուրախու-
թիւն կը պատճառէ ինծի ձեր բարեսրտութիւնն ու
խեղճ տղու մը ձեռք բռնելնիդ : Միայն թէ կը բաղ-
ձայի գիտնալ որ արդեօք ան բարիքն ընդունող տղան
արժանի՛ է, որպէս զի չըլլայ որ մեր բարերարութիւնը
գէշի գործածէ :

Սաոր վրայ ապահով կրնաս ըլլալ, սիրելի մայր, պա-
տասխան տուաւ որդին . եւ կառագործին հետ ըրած
խօսակցութիւնը պատմելէն ետեւ՝ աս ալ աւելցուց
թէ աւելի ապահով տեղեկութիւն մը առնելու հա-

մար գեղին ժողովրդապետին նամակ մը դրեցի, որուն
արտաքսյ կարգի աղէկ պատասխան մ'ընդունեցայ:
Եւ խօսքը լմբնցուց ըսելով որ Աս վկայութիւննեւ-
րուն նայելով՝ կարծեմ թէ ստակնիս օդտակար բա-
նի մը գործածած կը լլանք:

Լաւ, պատասխանեց կոմսուհին, ձեր պատրաս-
տած յիսուն ֆիորինին վրայ՝ յիսուն ալ ես կ'աւելլըր-
նեմ, որպէս զի խօստացուած գումարն ամբողջանայ,
երբ որ տղան ստակը առւն տանելու ըլլայ՝ կը յու-
սամ որ հայրն ու որդին այնչափ կ'ուրախանան, որ-
շափ որ ես ձեր աս գեղեցիկ ու վեհանձն գործքն
իմանալով ուրախացայ:

Եսանկով քիչ մ'ալ նոյն տեղը նստելէն եւ ըն-
տանեկան խօսակցութիւններով թեթեւ ընթրիքնին
ընելէն ետեւ՝ ուրիշին բարիք ընողին զգացած սրտի
հաճութեամբ տուն դարձան:

Դ. Կառապէռը:

Երկրորդ օրը առտուանց կանուխ կոմսիկը գէորգը
խուցը կանչել տուաւ, եւ խօստացած հարիւր ֆիորի-
նը տուաւ: Տղան բարերարին ձեռքը ստէպ ստէպ
պագնելով՝ իր շնորհակալութիւնն յայտնելէն ետեւ՝
արտօրնօք հօրը տունը վազեց: Աղքատիկ խրճթին
մօտ հասաւ նէ՝ պատուհանէն տեսաւ որ հայրը խու-
ցը չէ. ու ծխանէն ելած թանձը մուխը կը ցուցընէր
որ խոհանոցը կերակուր կը պատրաստէ: Գաղ-
տուկ խուցը մտաւ, եւ հարիւր ֆիորինը սեղանին
վրայ կարգաւ շարեց: Երբոր հայրը ներս մտաւ,
պղտիկ սեղանը բոլոր արծաթէ դահեկաններով ծած-
կուած տեսնելով՝ զարմանքէն քայլ մը ետ դնաց,
ու վերջը խիստ ձայնով մը պոռաց. Ուստի դտար
այսչափ ստակը. շըլլայ որ գողցած ըլլաս:

Մէ, հայր, կրնա՞ս կասկածիլ որ այնպիսի գործ
մը գործած ըլլամ, պատասխանեց գէորգ: Զէ, չէ:

Գիտես որ պղտիկ թռչուն մը մեր անտառին մէջ կ'երգեր . ուստի ան թռչունն ինծի աս ստակը դրտնել տուաւ , եւ կամ թէ Աստուած նոյն թռչունն իբրեւ գործիք ձեռք առաւ՝ զիս երջանիկ ընելու համար . հաւատա որ այսպէս է :

Օիս կը խաբես . ի՞նչ , պիտի հաւացընես որ աս թռչունը կտուցովը ստակները բերած ըլլայ , եւ կամ բոյնին մէջը գտած ըլլաս :

Չէ , այնպէս չէ , ըսաւ տղան . Աստուած ինծի ուրիշ զարմանալի կերպով մը գանել տուաւ : Եւ սկսաւ մանրամասն պատմել ի՞նչ կերպով ձեռք բերելը . որուն վրայ ծերը սաստիկ ուրախանալով՝ Աստուծոյ շնորհակալ եղաւ :

Նօրը առջի հոգն ան եղաւ որ որդւոյն պատշաճ զգեսաւ շինել տայ : Դերձակին , կօշկակարին ու ճերմըկեղէն շինողին՝ հարկաւոր եղած բաներն ապսպեց : Գէորգ անհամբերութեամբ միշտ արուեստաւորներուն քովը կ'երթար կը նայէր որ Երբ պիտի լմբնայ : Երբ որ ամէն բան պատրաստուեցաւ , հայրը զինքն առաւ կառագործին տարաւ , եւ արուեստը սորվելու համար որոշած ստակը վճարելով՝ քովը դրաւ : Այսպէսով տղան երեք տարւան մէջ իր վարպետին պէս աղեկու ճարտար կառագործ մ'եղաւ :

Վարպետ ելելէն քիչ մը ժամանակ ետքը՝ գէս որդ արուեստն աւելի կատարելագործելու համար ուղեց ուրիշ քաղաքներ պարտիկ . բայց ճամբայ չելած՝ Սգեռնֆելտի դղեակը գնաց , որ նորէն մէջ մ'ալ շնորհակալ ըլլայ ընդունած բարիքին համար , եւ շինած գործքերը բարերարներուն առջեւը դնելով՝ ցուցընէ որ ընդունած շնորհքին անարժան չէր :

Կոմսուհին , կոմսիկն ու աղջիկները զգէորդ տեսնելով շատ ուրախացան : Կոմսիկն հետը երկայն խօսեցաւ , զանազան հարցումներ ըրաւ , եւ ընդունած ճիշդ պատասխաններուն վրայ զարմացաւ : Աերջը

մայրը մէկ կողմն առնելով՝ ցած ձայնիւ մը ըստ . Կ'ուղես նէ մէջ մը հարցընենք որ արդեօք ճամբորդութեան հարկաւոր եղած ամէն բանն ունի՞ : Գէորդ շատ գժուարութեամբ յայտնեց որ դեռ շատ հարկաւոր բաներ կը պակսին :

Որպէս զի աս երիտասարդն իր ճամբան ընէ , ըստ կոմսուհին , պէտք է որ պատշաճ զգեստ հագած ըլլայ : Մէր օրերը թէ որ մէկը ուրիշի մը առջեւ մաքուր ու նոր զգեստով չ'ըլլեր նէ , երեսը նայող չ'ըլլար : Թող մեր դերձակն իրեն զգեստները շնին : Լաւ , լաւ , աղաղակեցին օրիորդները , մենք ալ իրեն ճերմիկեղէնները կը պատրաստենք : Ես ալ իր քսակը կը հոգամ , ըստ կոմսիկը :

Կ աս աղէկ , սիրելի զաւկիներս , ըստ կոմսուհին : Երբոր մարդ բարիք մը կ'ընէ , պէտք չէ միայն կէսն ընելով դոհ ըլլալ :

Ութ օրէն ետեւ՝ Գէորդ եկաւ դղեակը ներկայացաւ վերջի հրաժարական ողջոյնը տալու համար : Ազնուական ընտանիքը զինքը մեծ սիրով ընդունեցան : Կոմսուհին զինքը քովը նստեցուց , եւ իրեն խրատ տուաւ որ աշխարհքիս մէջ ինչպէս պիտի վարուի : Ամէն աեսակ վտանգներէն զգուշացուց , քրիստոնէական պարտաւորութիւնները ճշգիւ կատարելու , գէշ ընկերներէ փախչելու , արուեստին եւ բոլոր գործառնութեանց մէջ պատուաւոր կերպով վարուելու , ձեռքէն եկածին չափ կարօտեալներուն օգնութիւն ընելու յորդորեց :

Գէորդ աս ամէն օդտակար խրատները մտադրութեամբ լսելէն ետքը՝ իր բարերարին ձեռքը պաշտաւ , եւ խոստացաւ որ ան խրատները իբրեւ մօր խօսքեր զգուշութեամբ կատարէ . իրեն նորէն շնորհակալ եղաւ , նոյնպէս կոմսիկին ու երկու օրիորդներուն ալ իր շնորհակալութիւնն յայտնեց , եւ իրենցմէ բաժնուեցաւ :

Ե . Ռուսաստանի արշաւոն :

Աս դեպքերը պատահելէն վերջը խել մը տարի անցած էր, Սկեռնֆելտի կոմսիկը՝ երեսունուերկու տարւան ու մեծ աստիճանի պաշտօնակալ մ'եղած էր : Մէջ մ'ալ իր իշխանէն՝ որն որ Գաղղիայի գաշնակից էր. հրաման տուաւ որ Նաբոլէոնի բանակին հետ գործող զօրքին մէջ մտնէ : Կոմսն անմիջապէս հնազանդեցաւ, եւ զանազան տեղեր շատ անդամ պատերազմներու մէջ մտնելէն ետեւ՝ վերջապէս հրաման ընդունեցաւ որ իր գնդովը մէկտեղ՝ Ռուսաստան երթալու բանակին հետ միանայ : Ճամբան՝ ան ամբաւ տէրութեան ընդարձակ անտպատներուն մէջ՝ Գաղղիայի եւ նիղակակցաց բաղմաթիւ ու քաջ բանակը թէ սաստիկ յոդնութենէն եւ թէ կոռելով եւ ուրիշ զանազան դիպուածներով հազարաւոր մարդ կորունցուց : Այնչափ շլուած վտանգներէ, աշխատութիւններէ, չքաւորութենէ եւ այնչափ արիւնալից պատերազմներէն ետքը՝ վերջապէս Նաբոլէոնի բանակը Մոսկաւ հասաւ :

Օօրքն ան հսկայաձեւ մայրաքաղաքը, մէջի անհամար պալատները, հասարակաց շենքերը, երեք հարիւր զանդակատունները տեսնելով՝ ուրախութեան աղաղակ մը փրցուցին : Կը յուսային որ գօնէ հոն յոդնութիւն կ'առնեն, եւ առաս կերակուր գտնելով՝ քաշած երկայն ու դժնդակ չքաւորութեան ու նեղութեան տեղ հատուցում մը կ'ընդունին : Ադեռն ֆելտի կոմսն ալ ուրիշ զինուորներուն հետ նոյն յուսոյ վրայ էր : Բայց քաղաքն իրենց կարծածէն որչափ տարբեր գտան :

Օօրքը քաղաքին մէջ մտնելով՝ տեսան որ դրեթէ բոլոր բնակիչներն հեռացած էին, ճամբաններն անապատ դարձած, բոլոր պալատներն ու առանձնական տներուն մեծ մասը պարպուած էին. եւ այս ամե-

նայն՝ ահազին ու զարհուրելի դէպք մը կը գուշակէր: Մէջ մ'ալ կէս զիշերուան մօտ սաստիկ հրդեհ մըն է բռնկեցաւ, որ բոցեղէն ծովի մը կը նմանէր, եւ երկայն ժամանակ տեւելով աս ընդարձակ քաղաքն իր անբաւ դանձերովը լափեց մոխիր դարձուց. եւ ոչ մէկ ջրհան մը մնացած էր ան բոցերուն ընթացքն արգելելու, վասն զի թշնամին քալզէն ելած ատեն՝ ամէն բան մէկտեղ տարած էր: Բնակարանի ու կերակրոյ պակառութենէն զօրքն ստիպուեցաւ ետ դառնալու. բայց ի՞նչ դժբախտ դարձ. թէ Գաղղիացոցմէ եւ թէ նիզակակիցներէն հազարաւոր մարդիկ ահազին ձիւներուն մէջ կորսուեցան եւ կամ սովուն զոհ եղան: Անգամ մը մինակ մէկ դիշերուան մէջ երեսուն հազար ձիէն աւելի կորսուեցաւ: Սգեռնաֆելտի կոմսին հրամանատարութեան տակն եղող գընդին բոլոր ձիերը մեռնելով՝ կոմսը ստիպուեցաւ սաստիկ մըրիկներու եւ պաղի ատեն ոտոք քալելու:

Կ ատ անգամ խեղճ զինուորները՝ առանց ողորմէլի գեղի մ'ալ պատահելու՝ մզոններով ճամբայ կ'ընէին. եւ երբ որ հեռուէն բնակութիւն մը կը տեսնէին, եւ կը յուսային որ հօն ապաստանարան մը եւ կտոր մը հաց կը գտնեն, ուրիշ բան չէին գտներ՝ բայց եթէ անբնակ ու անշէն աւերակներ, որոնց մէջ ուտելիք չըլլալէն զատ՝ ոչ դուռ եւ ոչ ալ պատուհան մը կը գտնուէր, այնպէս որ քիչ մը ատեն ալ մէջը չէին կրնար պատսպարիլ:

Աւաններուն ու գեղերուն մեծ մասն այրած էր, անոր համար դժբախտ զինուորները կը ստիպուէին շատ անգամ գիշերը ձիւնով ծածկուած երկրին վրայ անցընել: Ուտելիքի պակառութիւնն երթալով աւելի կը զգացուէր. օր մը կոմսը կտոր մը հաց առնելու համար ափ մը ոսկի տուաւ, եւ քանի մը օր վերջը աւելի ալ կու տար, թէ որ գտնէր: Ուրիշ ճար չկրնալով գտնել՝ սկսան ձիերը մորթել եւ անոնց

մատվը կերակրիլ . նոյն մահն վրայ աղի տեղ՝ վառոդ
կը քսէին եւ եաքը կրակի վրայ քիչ մը խորովելով՝
կ'ուտէին : Խմած չըերնին՝ ձեան հատերն էր , որ բե-
րաններնուն մէջ կը հալեցրնէին :

Կոմսին մարդիկը բոլոր ճամբան թնդանօթներու ,
կառքերու կը պատահէին , որոնք իրենցմէ յառաջ
գացող զօրքերը թող առած էին : Հազարաւոր զի-
նուորներու դիակներ գետինը փռուած մնացած էին .
ձիւնը զիրենք իբրեւ անբաւ պատանքով մը գոցած
էր : Իր զօրքերուն ալ մեծ մասը պաղէն թմբելով
կորաւեցան , սմանք ալ ասդին անդին ցրուեցան :

Կոմսին ցժն երթալով կը նուազէր , ալ հազիւ
կրնար քալել : Դղեակէն հեան առած ծառան՝ սաի-
պուած էր Ռուսաստան չմատած՝ հիւանդանոցի մը
մէջ թող առալ , եւ իրեն ծառայութեան համար ու-
րիշ զինուոր մ'առած էր , որն որ իր դղեակին քովի
գեղէն էր , եւ իրեն շատ հաւատարմութեամբ ու-
սրաւանց կը ծառայէր : Օր մը կոմսն իրեն ըստ .
Գրիգոր , գունքու կեանքդ ազատելու նայէ , իմ
բանս բուսած է , ալ յառաջ չեմ կրնար երթալ :

Ես զձեղ թող տամ , պատասխանեց հաւատա-
րիմ ծառան , ամենեւին . . . : Կ'ուզեմ ձեղի հետ ա-
պրիլ ու ձեղի հետ մեռնիլ :

Մեյ մ'ալ անդիէն Խազախներու գումարտակ մը
տեսան , որոնք վազելով դէպ իրենց կու գային : Կոմսն
ու իր ծառան մահերնին աշուրներնուն առջեւը տես-
նելով՝ հոգինին Աստուծոյ յանձնեցին : Բայց աս կա-
տաղի մարդիկ հերիք սեպեցին կոմսին վերարկուն եւ
շքանշանն առնել , եւ ծառային ամենեւին չդպշե-
լով՝ ձիարձակ անկից ելան գային : Անտարակոյս աւե-
լի մեծ աւար մը ձեռք ձգելու յոյս ունեին : Գրի-
գոր իր վերարկուն հանեց տիրոջը տուաւ , ըսելով՝
Առեք իմ վերարկուս , աէր , ես առանց անոր կրնամ
դիմանալ , որովհետեւ ցրատութեան խստութիւնը կրե-

ըւ ձեզմէ աւելի վարժած եմ. եւ այսպէսով վերարկուն տիրոջը հագուեցուց : Բայց քիչ մը յառաջերթալով՝ իրեն ուրիշ վերարկու մը դտաւ, որովհետեւ ճամբան մեռած մարդու դիակի մը հանդիպելով՝ անոր վերարկուն վրայէն հանեց հաղաւ :

Անկարելի է որ, ըսաւ կոմսը, մինչեւ օմնէնսք կարենանք հասնիլ, անոր համար կամ աջ կամ ձախ պէտք ենք դառնալ, դացէ ճամբան մարդասէր գեղացիներու հանդիպինք, որ մեզի հիւրընկալութիւն ընեն :

Բայլոր զօրութիւննին մէկ ընելով՝ քիչ մը յառաջ դացին : Վերջապէս քանի մը ողորմելի հիւղերով աւան մը հասան, որոնցմէ մուխ ելելը տեսնելով, սկսան քիչ մը հսդի առնել եւ յոյս ունենալ որ հոն կրնան հանդչիլ : Բայց յոյսերնին պարապ ելաւ. որովհետեւ բնակիչներն՝ իրենց գաղղիացիի զգեստը տեսածնուն պէս՝ վրանին հաղարումէկ անէծքներ թափելով՝ դուռը երեսներնուն դոցեցին : «Սո՞ն միշոցին ան ողորմելի խրճիթներուն մէկէն Պոլոնիացի Հրեայ մը դուրս ելելով՝ իր լեզուաւը քանի մը խօսք խօսեցաւ, եւ հաց մը ու շիշ մը օղի ցուցընելով, նշանով կոմսին հասկրցուց որ եթէ աղէկ իր վճարէնէ կրնայ առնել : Բայց կոմսը քովը ստակ չունենալով՝ դարնող սոկի ժամացոյցը դրապանէն հանեց, զարնել տուաւ, եւ նշանով իմացուց որ հացին եւ օղիին տեղ նոյն ժամացոյցը կու տայ, միայն թէ վրան քիչ մը ստակ տայ : Խոկ Հրեան գլուխը շարժելով՝ սկսաւ երթալ : Ան ատեն խեղճ կոմսը՝ անօթութենէն չմեռնելու համար՝ ստիպուեցաւ իր գեղեցիկ ժամացոյցը տալ : Եւ մէկ կողմը նստելով՝ հացն երկու բաժնեց ու ծառային հետ մէկտեղ կերան :

Ասանկավ քիչ մը զօրանալով՝ ճամբանին շարունակեցին : Բայլոր գետերն ու լճերը ստուած էին, որով ան ջրալից երկիրներն անցնելը քիչ մը կը դիւրիննար : Դիմացնին պղտիկ անտառ մը եկաւ,

որուն մէջ սաստիկ փոթորկէ բերուած ձիւնէն քիչ
մը կրնային պատսպարիլ։ Նոյն անտառին մէջ յա-
ռաջ երթալով՝ փոքր դաշտ մը հասան՝ ուր ամե-
նեւին ձիւն չկար։ Ծառան ուղեց կրակ վարել,
բայց չոր խոիւ չըլլալուն՝ չյաջսղեցաւ։ Անոր համար
ցրտէն դողդողալով՝ սառած գետնին վրայ նստե-
ցան։ Ան ամայի տեղը ոչ մարդ եւ ոչ ալ բնա-
կոթեան հետք մը կար, եւ զարհուրելի լուռթիւնը՝
միայն ագռաւներու ձայնէն կ'ընդհատէր։ Կոմոք լուռ
կեցած՝ ակամայ իր տղայոթեան գեղեցիկ օրերն ու
իր հայրենի տունը կը յիշէր։

Ո՞հ, պոռաց մէկէն, եթէ մարդ կարող ըլլար իր
կենացը մէջ գլուխը դալիքները դիանալ, ստուգիւ
հանդարտ վիճակի մը յարգն աղէկ կը ճանչնար։
Երբ որ ընտանեացս մէջ հանդիսաս կը վայելէի ով
կարծէր որ օր մը այսպիսի ողօրմելութեան մէջ
պիտի գտնուիմ։ մինչեւ պատառ մը հաց չունենամ,
եւ ոչ քիչ մը կրակ՝ որ պաղէն ընդարձացած ան-
դամներս տպցընեմ։ Բայց հիմա մայրս ի՞նչ կ'ընէ.
անտարակոյս զիս մեռած կը կարծէ։ Արդեօք զինքն
առ աշխարհքիս մէջ անդամ մ'ալ տեսնելու միսի-
թարութիւնը պիտ'որ սւնենամ։ Աստուած իմ, գիտա-
ինծի, եւ զիս իմ ընտանեացս ծոցը դարձուր։ իսկ
եթէ կ'ուղես որ հոս մեռնիմ, քու շնորհօքդ իմ
հոգիս առ ու դժբախտ մայրս ալ միսիթարէ։ Աս-
ըսաւ, եւ արցունքները դեղին ու նիհարցած այտե-
րուն վրայէն սկսան վաղել։

Գրիգոր տիրոջը վիշտը աեսնելով՝ սկսաւ զինքը
միսիթարել ու քաջալերել։ Հոս կենալնիս աղէկ չէ,
ըսաւ, վասն զի արիւննիս կը ոտոի, ու սկսան ճամա-
բանին յառաջ տանիլ։ Բայց կոմոք քիչ մը վերջը
սաստիկ պաղէն քայլ մ'ալ առնելու անկարող եղաւ։
Ան ատեն հաւատարիմ ծառան զինքը կոնակն ա-
ռաւ, ու նոյն օրը եւ երկրորդ օրուան կէսն այնպէս

տարաւ։ Բայց ողբրմելոյն կօշիկներն անանկ մաշած էին՝ որ ձեան վրայ ոտաւըներուն արխւալից հետքերը կը տեսնուէին։ Աերջապէս ալ չկրցաւ յառաջ երթալ։

Ես բաւական յոդնութիւն առի, ըստ կոմսը, հիմա թող տուր որ իջնամ եւ ես ալ գքեղ տանիմ։ Բայց ծառան յանձն չառաւ, ըսելով՝ Քիչ մը անգին գեղ մը կայ. կամաց կամաց քալելով դուք կրնաք հոն հանիլ, իսկ եթէ որ զիս տանիլ ուզեք, երկուքնիս ալ կէս ճամբան կը մնանք։ Չեր կեանքն իմինէս աւելի պատուական է, ես մեռնելու ըլլամ՝ մեծ վեաս մը չըլլար։ Վ'աղաչեմ զիս հոս թող տուեք եւ դուք առանձին գացէք։

Չէ, պատասխանեց կոմսը՝ սաստիկ սիրտն ելած, դուն քու կեանքդ ինծի համար վտանգի մէջ դժբը, իրաւունք է որ ես ալ քեզի օգնեմ։ Թէ որ դուն ինծի հետ մնալ չուզէիր, յառաջապահներուն հետ ճամբայ ելած կ'ըլլայիր, եւ արդէն հիմա հանգիստ տեղդ հասած կ'ըլլայիր։ Ես ալ քեզի կ'ըսեմ ան խօսքը՝ որ քիչ մը յառաջ դուն ինծի կ'ըսէիր. Կամ մէկտեղ կ'ապրինք կամ մէկտեղ կը մեռնինք։

Ծառան միշտ կ'ընդդիմանար։ Բայց կոմսը խըստութեամբ մը հրամայեց որ հնազանդի, եւ բռնեց զինքն ուսերուն վրայ առաւ։

Աէս ժամի չափ քալելէն ետեւ՝ ճամբու մը վրայ հասան, որուն քովը երկու տուն կար։ Գրիգոր վար իջաւ, կոմսն ալ գնաց դժանն մէկը զարկաւ։ Գեղացի կին մը պատուհանը բանալով վար նայեցաւ, բայց իրենց օտարականի զգեստը տեսնելով ներս գնաց, չուզեց աս երկու դժբախտներուն ապաստանարան մը եւ ոչ ալ կաոր մը հաց տալ։ Կոմսն ու ծառան շատ սրտաշարժ խօսքերով կ'աղաչէին որ իրենց ողբրմի, բայց մտիկ ընող չկար։

Ասանկով ստիպուեցան նորէն ճամբայ ելլել. բայց հազիւ քանի մը ստք առած էին, մէկէն կոմսին զօ-

ըութիւնը կտրեցաւ, ծնկուքներուն վրայ չէր կրնար կենալ, բոլոր անդամները սաստիկ կը գողդողային: Ալ չկրնալով ինք զինքը ուռքի վրայ բռնել, ծառի մը տակ գլտորեցաւ ինկաւ: Հաւատարիմ ծառան զինքն իր թեւերուն վրայ առաւ եւ ուզեց տաքը նել, բայց փուճ տեղ կ'աշխատեր, վասն զի խեղճն երթալով աւելի կը գեշնար, բոլոր անդամները բըրտացած էին, երեսները կը քաշուէին: Ի վերայ այսր ամենայնի հոգին աւանդելէն յառաջ բոլոր իր վերջի զօրութիւնը մէկտեղ բերելով՝ ուզեց իր հաւատարիմ ծառային հետ քանի մը խօսք խօսիլ:

Ի՞արեկամն, ըսաւ, ալ մ'աշխատիր, ինձի համար ըրած հոգդ պարապ է, ալ ես պիտի մեռնիմ . . . : Գոնէ մեռնելու ատենս աս մխիթարութիւնը կ'ուն նենամ որ գուն գուցէ ողջ կը համնիս քու ծնընդեանդ տեղը: Մտիկ ըրէ, Գրիգոր. թէ որ Սդեռնաֆելտի գղեակն երթաս եւ մայրս տեսնելու ըլլաս, ըսէ որ Ռուսիայի սառոյցներուն վրայ զինքն յիշելով մեռայ. ըսէ նաեւ իմ քոյրերուս որ ամենէն մէծցաւս ան է որ զիրենք չտեսած կը մեռնիմ: Բայց միանդամայն ըսէ որ իբրեւ քրիստոնեայ կը մեռնիմ, եւ տղայութենէս վեր մաքիս ու սրտիս մէջ տնկած կրօնական դգածմունքներն աս բովէս զիս կը զօրացընեն: Որովհետեւ մինչեւ հիմա միշտ հաստատուն վատահութեամբ զլսառած փնտոեցի, կը յուսամ որ ինքն ալ ինձի կ'ողորմի: Ո՛հ, որչափ կը բաղձայի որ մեռնելէս յառաջ եկեղեցւոյ խորհուրդները կարենայի ընդունիլ: . . . Մնաս բարով, Գրիգոր, մնաս բարով. վերջին բարեւս մօրս ու քոյրերուս աար . . . Մնաս բարով . . . :

Զ. Անձանօն բարերար մը:

“Եղյն վայրկենին գեղեցիկ սամցրէ մուշտակ հագած երեւելի մարդ մը բալսիրով հօնկից անցնելու

ատեն՝ զպաշտօնակալն ու իր ծառահ տեսնելով՝ բալ-
խիրը կեցուց, եւ դուրս ելլելով՝ իրենց մօտեցաւ :
Երբ որ կոմսին վերջին խօսքին մէջ Սգեռնֆելտի կոմ-
սուհւոյն ու իր երկու աղջրիանց անունները լսեց,
զարմանալով աւելի քովերնին մօտեցաւ, եւ քաղցր
դէմքով մը զիրենքը ողջունելով՝ գերմաներէն լեզուաւ
Գրիգորին Հարցուց թէ Աս ողօրմելի վիճակի մէջ
գտնուող պաշտօնակալն ով է :

Խմ տէրս՝ Սգեռնֆելտի կոմսն է, պատասխա-
նեց Գրիգոր : Խեղձ պատանին արտաքոյ կարդի
տրտմութեան մէջ ըլլալով՝ աս խօսքէն զատ բան
մը չկրցաւ զբուցել :

Եզնուական Ռուսն աս լսելով՝ զիրենք բալխիրը
Հրամցուց՝ առանց ուրիշ խօսք մ' ըսելու : Բալխիրը
դարձրնել տուաւ . կոմսին օգնեց վրան ելլելու, ինքն
ալ ելաւ քովը նստեցաւ : Գրիգորին ալ ըսաւ որ
կառավարին քով նստի : Ասանկով զիրենք առաւ
իր գեղի տունը տարաւ :

Բալխիրը Հասարակ տան մ' առջեւ կեցաւ, որն
որ տրտաքուստ ամենեւին այնպիսի երեւելի մարդու
մը տուն չէր երեւար . ազնուական Ռուսը զիրենք տան
վարի դստիկոնը՝ գեղացւոց Հասարակ բնակարաննե-
րուն նման խուց մը խոթեց նստել տուաւ, եւ պա-
տին մէջ ծածուկ շինուած դարան մը բանալով՝ ար-
ծածէ թէյի աման մը հանեց, ինք անձամք թէյ
եփեց, եւ Հրամցուց ըսելով՝ Քիչ մը թէյ խմեցէք՝
որ տաքնաք . ես երթամ ձեղի նախաճաշ պատրաս-
տել տամ : Աս ըսելով դուրս ելաւ :

Վիշ մը ետքը նորէն եկաւ ու ըսաւ . Տեարք իմ,
պէտք է որ հիմակու հիմա քիչով գոհ ըլլաք : Մա-
սանս շատ հարուստ չէ, միայն քիչ մը որսի մայ
կտօր մը կայ եղեր, ան ալ իմ աս առտուան նախա-
ճաշէս աւելցած է . բայց կը յուսամ որ ախորժա-
կով կ'ուտէք :

ՎԵՐ մ'ալ սպասաւոր մը ներս մտաւ, եւ բարակ ու ճերմակ սփռոց մը վուելէն եսկը՝ խորված միս, ճերմակ հաց ու երկու շիշ բորդոյի գինի բերաւ: Ակաւառակները՝ բարակ յախճապակիէ էին, գաւաթներն ու շիշերը՝ աղնիւ ապակիէ, իսկ գանակներն ու պատառաքաղները արծրթէ. վերջապէս ամէն բան յայտնի կը ցուցընէր թէ տանտէրը հարուստ մարդ մըն է:

Առմնն ու իր ծառան՝ շատ ժամանակէ վեր կերակրոյ պակսութիւն քաշած ըլլալով՝ երկայն բարակ հրամցընել շտուխն, շուտ մը սեղանին զլուխն անցան, ախորժակաւ կերան. որուն վրայ աղնիւ հիւրընկալը շատ ուրախացաւ: Ռուս Պարսնն ու կոմնը իր բարու հետ շուտով ընտանեցան. բայց տանտէրը իր հիւրը շատ հարցումներով չնեղեց, բաւական սեպեց միայն անունը, հոյրենիքն ու որ խմբէն ըլլալն խմանալը: Ետքը իր սպասաւորին հետ ուռսերէն խօսակցելով՝ խել մը բան ապսպեց եւ ինք շուտով մը ելաւ գնաց:

«Քառորդ մը վերջը նորէն ներս եկաւ, քովերնին նստեցաւ, գաւաթ մը գինի լեցուց, եւ անսնց հետ մէկտեղ խմեց, ըսելով. Ամէն քաջ զինուորներուն կենդանութեան: Ետքը վրան աւելցուց, թէպէտ ես Աղէքսանդր կայսեր հպատակ եմ. բայց գիտցած եղէք որ ձեր բանակին դժբախտութիւններուն վրայ շատ կը ցաւիմ:

Աս խօսքս ըսելէն ետեւ՝ յանկարծ ոտք ելաւ դուրս գնաց, եւ դարձեալ ներս մտնելով՝ ուռսերէն լեզուաւ խել մը բաներ ալ հրամայեց սպասաւորին: Բալիսիրը միշտ դրան առջեւ կը կենար, եւ ձիերը լծուած ըլլալով՝ միօրինակ զանգակներով զարդարուած պարանոցնին կը շարժէին. ոտտուընին ալ անդադար ձիւներուն վրայ կը զարնէին:

Ա երջապէս հիւրընկալը կոմնին ըսաւ. Անտարա-

կյս ճամբուն սաստիկ աշխատութենէն յոդնած էք
 եւ հանգստեան հարկաւորութիւն ունիք, եկէք
 զձեղ քնանալու խցերնիդ տանիմ: Աս ըսելով ձեռ-
 քէն բոնեց շտեմարան մը տարաւ: Հոն ասնդուղ
 մը ցուցընելով՝ ըսաւ, Պէտք է որ ասկից վեր ելլենք.
 բայց ես առջեւէն երթալու եմ: Վերնայարկն հաս-
 նելով՝ դիզուած յարդերուն ու պատին մէջ նեղ
 ճամբայ մը մտան: Ազնուական Ռուսը նոյն ճամբուն
 դիմացը դրուած տախտակներէն մէկը վերցուց, որուն
 ետեւը ծածուկ դուռ մը կար: Երբ որ նոյն դռնէն
 ներս մտան, կոմնն ինկը զինքը գեղեցիկ ու զարդա-
 րուն սենեակի մը մէջ դտաւ, որուն պատերն ա-
 ղուոր կանաչ գորգերով եւ պատուհանները բարակ
 վարագոյններով զարդարուած էին: Բաղմոյն ու ա-
 թոռները, պահարաններն ու սեղանները մահակոնի
 փայտէ էին եւ ճարտար շինուած: Փառաւոր կազ-
 մուած գրքերով լեցուն՝ փոքր գրատուն մ'ալ կար.
 պատին վրայէն գեղեցիկ մեծ հայելիներ եւ սիրուն
 նկարներ կախուած էին, անկողինն ալ ասուեայ վա-
 րագոյններով էր: Կոմնն ասանկ տեղ այսպէս աղ-
 նիւ սենեակ մը տեսնելուն վրայ զարմանալով՝
 չորս դին նայելու ատեն՝ մէկէն աչքը հայլիին հան-
 դիպեցաւ, եւ իր դեղին ու նիհարցած դեմքը, պա-
 տուտած ու աղտոտ զգեստները տեսնելով՝ ամօթէն
 ետ ետ քաշուեցաւ: Տանտէրն աս քանս չիմանալու
 զարնելով՝ Պարոն, ըսաւ, աւասիկ ձեր սենեակը,
 մինչեւ որ աղէկ մը առողջանաք՝ հոս բնակեցէք: Շատ
 կը ցաւիմ որ խիստ հարկաւոր գործքերէ ստիպուելով՝
 պէտք է որ զձեղ հոս առանձին թող տամ եր-
 թամ. բայց սենեկապանս քովերնիդ կը ձգեմ, ու-
 ղածնիդ իրեն հրամայեցէք. գերմաններէն չիգիտեր,
 բայց գաղիերէն բաւական կը խօսի: Առանց հոգ ը-
 նելու՝ ձեր տանը պէս կեցէք. տունս ու բոլոր մէջն
 եղածները ձերն է. զրատանս մէջ դտնուած դըր-

քերով կրնաք ձանձրութիւննիդ փարատել: Որսի
երթալ կ'ուղեք նէ՝ ամէն բան պատրաստ է, առ
կողմերս առատ որս կայ. սենեկապանս քաջ որտորդ
է, զինքն ալ կրնաք միշտ մէկտեղ տանիլ:

Առմաք սրտանց շնորհակալ եղաւ. բայց միանգա-
մայն քիչ մը վախ կը ցուցընէր որ չը լսյ թէ Ռու-
սի զօրքերն հոնկից անցնելու ատեն՝ իրենց նեղու-
թիւն մը հասցընեն: Ամենեւին մի վախնաք, բայտ
հիւրընկալը, խօսք կու տամ որ հո՞ կայսրական պա-
լատի մէջ եղածի պէս ապահով էք. մինակ ինձի
խօսք տուէք որ մինչեւ դառնամ նէ՝ չէք երթար.
ի դարձիս՝ հանգստութեամբ ու ապահովութեամբ
հայրենիքնիդ դառնալու միջոցները կը հոգամ: Բայց
թողութիւն ըրէք, ժամանակ չկայ պէտք է որ շու-
տով ճամբայ ելլեմ: Անաք բարով: Աս ըսելով երա-
գնաց:

Առման ասանկ անծանօթ մարդու մը իրեն այս-
շտփ մէծ սէր ու բարեկամաթիւն ցուցընելուն վրայ
չէր կրնար զարմանալէն դադրիլ: Ասիկա իրեն դադա-
նիքի մը պէս կու դար. բայց սասատիկ յոդնած ըլ-
լալով՝ զօրութիւն չունէր որ աս դադտնիքին լուծու-
մը դանելու երկայն բարակ մտածէ: Ծուտ մը փա-
փուկ անկողնոյն վրայ պառկեցաւ, եւ անմիջապէս
քունը տարաւ:

Է. Կոմսին իւրճընին մէջ անցուցած կետնէ:

Առմանին քնացած ատեն՝ սենեկապանը շատ անդամ
եկած գայցած էր, նայելու համար որ արդեօք արթըն-
ցէր է: Վերջապէս արեւը մարը մտնելէն ետեւ ձայն մը
լսելով՝ ներս մտաւ, եւ զինքն արթընցած գանելով՝
յարդութեամբ բարեւելէն ետքը՝ բայտ: Ի՞նչպէս էք,
Պարոն, հանդիսած քնացաք:

Շատ աղէկ. կեանիքիս մէջ ասանկ հանդիսած քնա-
ցած շունէի:

Կատ ուրախ եմ, Պարոն: Հիմա ամեն բան պատրաստ է, վար ճաշի հրամայեցեք:

Կոմը վար իջաւ, եւ աղեկ պատրաստուած սեղան մը դասաւ, որուն վրայ երկու հոգւոյ տեղ կար. ինք նստեցաւ, Գրիգորին ալ հրամայեց որ նստի: Բայց անիկա յանձն չեր առներ, հապա տիրոջը աթոռին ետեւը կեցած՝ կ'ուզէր ծառայել. Չե, պէտք է որ դաս նստիս, ըստ կոմը. մինչեւ հիմա գժրախառութեանս հաւատարիմ ընկեր էիր, ձախող օրերուս, թշուառութեանս ու նեղութեանս հաղորդակից եղար. պատշաճ է որ հիմա ալ երջանկութիւնս մէկաեղ վայելես: Աս ըսելով՝ զինքը նստեցուց: Սենեկապանին ալ ըստ որ դայ ինքն ալ նստի:

Ոտուն երկայն ատեն աղաչել չտուաւ, շուտ մը հարկաւոր եղած բանները բերելով՝ սեղան նստաւ: Ամէնքն ալ աղեկ ախորժակաւ կերան, խմեցին:

Բայց, զրուցէ ինծի, ըստ կոմը՝ խօսակցութեան մէջ, աս աղնուական մարդն ովլ է, որ մեզի ասանկ ընդունելութիւն կ'ընէ եւ այսպէս մեծ սէր կը ցուցընէ:

Ո՞՛հ, շատ իրաւունք ունիք տէրս աղնուական կանչելու, պատասխանեց սենեկապանը. ստոդիւ շատ արդար, բարի ու պատուաւոր մարդ մին է. անունն է Պարոն Քոսլովեանց. ինք կայսերական ելեւմտից խարհրդական է, եւ երեք տարի կայ՝ որ զօրաց պաշար հօգալը վրան առած է: Հասարակօրէն Բեդերապարկ կը բնակի. աս տունս անոր համար գնած է որ աս կողմերս դործք մ'ունեցած ատեն՝ պատրաստ իջեւան տնենայ: Բայց պատերազմի ժամանակ ըլլալով՝ պատշաճ չսեպեց տունը բոլորովին նորոգելը. միայն շտեմարանին մէջ պզտիկ ու վայելուշ խուց մը շինեց ու կըցածին չափ ծածուկ պահեց, որ արշաւանաց ատեն թշնամիէն ապահով ըլլայ: Չեմ կրնար իմանալ որ ինչպէս զձեղ հոն բնակեցուց, որովհետեւ կ'ուզէ որ զաղաւուկ մնայ: Բայց ԲԱՐ. ԱՀՊ.

աւելի անոր կը զարմանամ որ զիս հոստեղս ձգեց՝ որպէս զի զձեղ աղեկ հոդամ. որովհետեւ զիս իրմէ ամենեւին չեր բաժներ: Ինծի մասնաւորապէս յանձնեց որ իմ տիրոջս պէս ձեզի ծառայեմ, եւ ամէն բանի մէջ իմ տիրոջս պէս հնազանդիմ: Երթալէն յառաջ ուղեց անձամբ տեսնել որ հարկաւոր եղած բաներն ամէնն ալ կան:

Աեղանէն ելլելէն վերջը՝ սենեկապանը հրաման ուղելով՝ դուրս ելաւ: Կէս ժամ վերջը ետ դարձաւ. Պարոն կոմն, ըստաւ, կարծեմ հանդչելու հարկաւորութիւն պիտօր ունենաք. ամէն բան պատրաստ է. թէ որ կ'ուղեղք՝ հրամայեցէք խցերնիդ տանիմ: Աս ըսելով՝ կոմոր սենեակը տարաւ:

“Այն գիշեր կոմօր հանդիստ քնացաւ. երկրորդ օրը առտուանց սենեկապանն իրեն բարակ կտաւէ մաքուր ճերմրկեղէն եւ տան մէջ հազնելու զգեստ բերաւ. ու առջի օրուան պէս իր ամէն հրամաններն ու ակնարկութիւնները ճշդիւ կը կատարէր:

Ասանկով կոմնն աս իր առանձնութեան մէջ երջանիկ ու հանդիստ կեանք մը կը վարէր: Ինք ու Գրիգոր Աստուծոյ անդադար գոհութիւն կու տային, որ զիրենք ողորմելի եւ զարհութելի վիճակէ ու մահուրնէ աղատելով, հօն ասանկ խաղաղ ու հանդարտ տեղ մը բերաւ: Ժամանակը պարապ չանցրնելու համար կոմնն ինք զինքը կարդալու տուաւ, ու խցին գրատան մէջի կրօնական, պատմական, ճամփորդութեանց ու գրադիտութեան գրքերը կը կարդար, նաև շաբաթը մէյ մը լըադիր կ'ընդունէր, որով քաղաքական գէպքերուն վրայ ալ տեղեկութիւն կ'ունենար:

(Օտարականք երբեմն երբեմն որսի ալ կ'ելլէին. սենեկապանը միշտ հետերնին կ'երթար: Գեղացիք անոնց անցնիլը տեսնելով, կոմոր՝ իբրեւ Պարոնին մտերիմ բարեկամը՝ մեծարանօք կ'ողջունէին, եւ մեծ

յորդութիւն կը ցուցընեին։ Պարոն Քոսլովեանց երւ-
բեմն կոմսին նամակ կը գրէր, բայց միշտ ծառային
ուղղելով։ Գրած նամակներն հասարակօրէն կարճ կ'ըլ-
լային, եւ միշտ կոմսին առողջութեան վրայ տեղե-
կութիւն կ'ուղէր. միանգամայն՝ Շատ չ'անցնիր կու-
գամ, ըսելով՝ զինքը կը մխիթարէր։

Ասանկով ձմեռը, գարունն ու ամառն անցան։
Ստուգիւ առ ժամանակը՝ կոմսին ու Գրիգորին շատ
երկայն եկած պիտի ըլլայ։ Բայց ան զարհուրելի ու
ծախող պատերազմին նեղութիւններէն ու աշխա-
տութիւններէն վնասած առողջութիւննին տեղն ե-
կաւ. եւ կամաց կամաց նորէն զօրութիւն ստացան։

Ը. Մէնունէւն։

Աշնան իրիկուն մը Պարոն Քոսլովեանց մէկէն ի
մէկ եկաւ. երեսին վրայ խիստ մեծ ուրախութիւն ու
զուարթութիւն մը կը տեսնուէր։ Վաղելով կոմսին
խուցը գնաց, զինքն ուրախութեամբ գրկեց ու ը-
սաւ. Պարոն կոմէ, ձեր երկայնժամանակեայ գե-
րութենէն ազատելուդ երջանիկ լուրը բերելու կու-
գամ։ Որովհետեւ հիմա պատերազմող բանակները
Գերմանիա էլլա գետին քովին են, անոր համար ես
ալ մեր բանակին պաշար գտնելու հոգը Գեր-
մանացւոց յանձնելով՝ սրտիս կանչած տեղը վազեցի
եկայ։ Ուստի ինչպէս մինչեւ հիմա տունս եւ բո-
լոր ունեցածս՝ այսպէս առկէ ետքը ես ալ բոլո-
րովինն ձերն եմ, ամէն կերպով ձեզի ծառայելու պա-
տրաստ կեցած եմ։ Շատ կը բաղձամ որ հանգստու-
թեամբ հայրենիքնիդ դառնաք։ Խնծի կ'երեւայ որ
ամենէն աղէկն ան է որ մէկտեղ բեղերսպարկ եր-
թանք. հօնկից ծովով Համագուրկ կրնաք երթալ, եւ
անկէ՝ դիւրաւ ձեր գվեակը կը հասնիք. ասկից զատ
շատ կը բաղձամ կինս ու որդիքներս ձեր առջեւն
հանելու. մանաւանդ որ չեմ կրնար թողուլ որ այս-

պէս երկայն ճամբորդութեան մը հարկաւոր եղածները չանենալով՝ ճամբայ ելլէք : Պէտք է որ ձեր աստիճանին համաձայն զգեստ, կառք, ձեանք եւ ուրիշ հարկաւոր բաները հոգամ՝ բայց հոս գտնելն անկարելի է . միայն բեղերսպուրկ կրնանք հոգալ :

Ազնուական ու վեհանձն մարդ, կանչեց կոմսը, ձեր ինծի ըրած բարիքները չափն ու սահմանն անցուց: Չեմ գիտեր որ ինչ բանով այսպիսի սիրոյ արժանի կը դանուիմ: Ատուգիւ ինծի պէս օտարական ու անծանօթ մարդու մը ցուցուցած արտաքոյ կարգի սէրերնիդ՝ խելքէ վեր բան մըն է:

Ի՞նչ կը զբուցէք, պատասխանեց Պարոն Քոսլու վեանց, ըրածս այնչափ մեծ եւ արտաքոյ կարգի բան մը չէ, եւ ոչ չնորհակալութիւն ընելու պարտք ունիք, որովհետեւ բոլոր ըրածներս պարտքս էր, անոնցմով երախտագիտութեան պարտքս կատարեցի:

Չեմ հասկընար ինչ երախտագիտութիւն, ինչ պարտք կ'ուզէք ըսել, կրկնեց կոմսը. կ'աղաչեմ բացայայտ խօսէիք. ամենեւին չեմ յիշեր չէ թէ միայն ձեզի փոքր ծառայութիւն մ'ընելս, հապա եւ ոչ երբէք զձեղ տեսնելս կամ ձեզի հետ խօսիլս:

— Ատուգիւ չեք յիշեր...: Շնորհք ըրէք հոս քովս նստեցէք ու մափկ ըրէք: Բոլոր ունեցածս չունեցածս ձեզի պարարկան եմ. իմ հիմակուան երջանիկ վեճակիս հիմք գնողը դուք էք:

Կոմսը զարմացած երեսը կը նայէր, եւ գլուխը շարժելով ըսածին վրայ ունեցած տարակցար կը ցուցընէք:

Պատք մէկ օր մը աղքատ տղու մը հարիւր ֆիտրին պարզեւ շտուիք, հարցուց Պարոն Քոսլովեանց:

— Աչյսպիսի մեծ ովարմութիւն ընելս չեմ յիշեր:

— Ի՞նչ. շատ կը զարմանամ. բայց դոնէ ձեր մօրը ծննդեան տարեդարձին օրը՝ աղքատ հովիւ տղու մը բերած սոխակի երգելն անտարակոյս կը յիշեք:

— Արամեր էք, աղէկ կը յիշեմ. խելացի տղայ մըն

էր եւ շատ յոյս կու տար: Կառագործութիւնն սորվեցաւ, եւ վարպետ ելլելէն ետեւ՝ Գաղղիա ու Գերմանիա պտղտելու դնաց: Բայց անկից վերջը վրանքան մը չլսեցի. չեմ գիտեր որ ինչ եղած է:

— Ես կրնամ վրան տեղեկութիւնն տալ: Ան աղքատ տղան՝ մեծ գործարանի մը տէր, վաճառական, սեղանաւոր, եւ բեղերսպուրկի մէջ տէրութեան ելեւտից խորհրդական եղած է . . . : Ան մարդն է՝ որն որ ձեզի հետ կը խօսի . . . : Եւ որովհետեւ Քոսլով անուամբ հողակալական երկիր մը գնած է, անոր համար անունը Քոսլովեանց է:

Կնչ կ'ըսէք. կարելի բան է որ դուք ըլլաք, պուաց կոմսը՝ զարմացած ու ուրախացած, եւ աշուքներն արցունքով լեցուեցան: Ասոնք ինչու յառաջադոյն չըսիք: Աս ըսելով գիրկը նետուեցաւ:

Առջի անգամուն տեսնուելնուս՝ ամեն բան ձեզի յայտնելն անկարելի էր, պատասխանեց Պարոն Քոսլովեանց. ժամանակ չունէի: Չէի կրնար ձեր եւ իմ բաղձացածիս պէս՝ ամենայն ինչ մեկնել, շուտով ճամբայ ելլելու ստիպուած ըլլալով: Դարձեալ զձեզ այնպիսի տկարութեան մէջ դայ, որ չէիք կրնար երկայն բարակ պատմութեանս միտ զնել, եւ սաստիկ այլայլութեան դիմանալ: Ուստի ինծի պատշաճ երեւցաւ որ շնորհակալութիւնն ձեզի յայտնելն ուրիշ ատենուան մը թողում: Տեսայ որ դուք զիս չէք ճանչնար. ես ալ ստուգիւ զձեղ չէի ճանչնար՝ թէ որ դուք ձեան վրայ մեռելի պէս պառկած ատեննիդ՝ Սդեռնֆելտի դղեկին անունը տուած, կոմսուհւոյն ու քոյրերնուգ յիշատակն ըրած շըլլայիք: Աստուծոյ շնորհակալ կ'ըլլամ ինծի այսպէս առիթ տալուն համար՝ որ իմ բարերարիս ծառայութիւն մ'ընեմ:

Հսո Պարոն Քոսլովեանց վերջին անգամ Սդեռնֆելտի դղեակն երթալէն ետեւ՝ անցուցած կեանքը պատմեց: Գերմանիայի ու Գաղղիայի շատ անուանի

քաղաքները եւ նաեւ Հոնտոն արուեստս բանելէն վերջն, բառ, վերջապէս Ռուսաստան եկայ: Ամէն տեղ ամենէն անուանի վարպետներուն քով կը մտնէի. այնչափ հոդ շէի ունենար որ աւելի ստակ առնեմ, որչափ անոր որ աւելի աղէկ սորվիմ եւ արուեստիս մէջ կատարելագործուիմ: Ճամբորդովեանս մէջ երկաթագործներու, դարբիններու, թամբագործներու, եւ գեղեցիկ կառք շինելու համար հարկաւոր եղած ուրիշ արուեստաւորներու երեւելի գործատանց ալ այցելութիւն կ'ընէի. եւ աս տեսակ արուեստագէտներու հետ միանալով՝ հետս անոնցմէ քանի մը հոգի առած՝ բեղերսպուրկ եկանք: Տեսայ որ պարտած քաղաքներուս մէջ շինուած գեղեցիկ կառքերուն պէս կառք շինող արուեստաւոր շկայ հոս, եւ անոր համար հարաւստներն ու մեծամեծները մեծ ծախըով գրսի երկիրներէն կառք բերել կու տան: Ուստի յուսալով որ հոս բախտս կը դանեմ, միտքս դրի որ հաստատուիմ: Խսկզբան քաջ կառագործի մը քով մտայ: Թէպէտեւ վարպետո գերմաններէն կը խօսէր, բայց ես պարապ ժամանակներս ուսւերէն սորվելու ետեւէ կ'իյնայի: Քիչ մը ատեն անցնելէն ետեւ՝ հետս եկող արուեստաւորներուն հետ միանալով՝ յանձն ասի անսանկ կառք մը շինելու՝ որն որ թէ գեղեցիկութեան եւ թէ արուեստին կողմանէ՝ Լոնասոնի մէջ շինուածներէն ետ չմնայ: Աստուծոյ յաջողելով՝ ակնկալութենէս աւելի աղէկ եղաւ. անսանկ որ շատ հմուտ ճանչցողներ մանրամասն քննելով շատ աղէկ վելայութիւն տուին:

Եսոր վրայ ամէն կողմանէ վարպետիս կառք կ'ապրապրէին, անսանկ որ քիչ ատենուան մէջ արուեստանոցն եռապատիկ ու քառապատիկ մեծցընելու ստիպուեցաւ. զիս ալ գործաւորներուն գլուխ դրաւ ու ոսճիկս աւելցուց: Քիչ մը վերջն ալ հետր զուող ըրաւ: Այսպէսով բաւական ստակ ժողվեցի: Քանի

մը տարի ասանկ անցընելէն ետեւ՝ վարպետու տարիքն առած ըլլալով ու տղայ ալ չունենալով՝ գործքէ բոլորովին ետ քաշուիլ ուղեց, ուստի գործատունն իրմէ զնեցի եւ սկսայ ճարտարութեան ասձիւղն ամէն կերպով յառաջացընելու ջանալ. եւ յաջող ելք ունենալով՝ աւելի մեծ գործքերու ձեռք զարկի: Քիչ մը ժամանակ անցնելէն ետքը՝ իմ աղդակիցներէս հարուստ վաճառականի մը միամօր աղջըկանը հետ կարգուեցայ:

Երբ որ Գաղղիայի ու Ռուսիայի մէջ պատերազմ բացուեցաւ, զօրքին հարկաւոր եղած պաշարին մէկ մասն հոգալը վրաս առի: Կայսրն աշխուժութեանու ու ճշգութեանս վրայ շատ գոհ ըլլալով՝ զիս տերութեան ելեւմտից խորհրդական ըրաւ, ազնուականի պատուանուն տուաւ, եւ Ս. Աննայի ասպետութեան կարգին առաջին աստիճանը շնորհեց:

Ասմար շատ հաճութեամբ եւ ուրախութեամբ մտիկ ընելէն ետեւ՝ երբոր պատմութիւնը լմբնցաւ նէ, ըստաւ. Աստուած ձեզի արտաքոյ կարգի ձիրքեր տրւած է. նաեւ պղտիկութեան ատեննիդ երբոր այծ կ'արածէիք, ձեր երեւելի քանիքարները եւ մանաւանդ գործունեայ ու աշխոյժ ըլլալնիդ կ'երեւար. ան ատենէն կը գուշակէինք որ օր մը մեծ մարդ պիտ'որ ըլլաք. բայց ըստածներնիդ բոլոր ակնկալութիւններնէս վեր է: Երանի թէ ամէն ծնողք եւ դաստիարակէք ջանալին որչափ կարելի է տղոց բնական տրամադրութեանցը միտ դնել, որպէս զիս անոնց զարգացման կարենան պատշաճ կերպով նողաստել: Երանի թէ ամէն մարդ ձեզի պէս Աստուածմէ ընդունած ձիրքերն աղէկ գործածելով՝ ձեզի պէս բոլոր կենացը մէջ ժիր ու գործունեայ ըլլար, եւ արգարութեան ու առաքինութեան ճամբէն դուրս չելէր: Դուք ինչ գործքի որ ձեռք զարկիք՝ յանուն Աստութոյ սկսաք. Աստուածալ ձեզի օդնական եղաւ եւ գործքերնիդ օրհնեց:

Անանկ է, ըստ, Պարոն Քոսլովեանց, Աստուածինծի շատ օգնեց. բիւր անդամ շնորհակալ եմ իր բարերարութեանցը: Բայց աս դտած մեծ բախտիս մէջ աւելի անոր վրայ ուրախ եմ, որ ողորմելի տղոց կրնամ օգնութեան հասնիլ, քան թէ իմ տղոց երջանկութեան վրայ: Միշտ միտքս ըլլալով ան կարօտութիւնը՝ որուն մէջ ծնայ, թէ հոս իմ երկրորդ հայրենիքն եւ թէ բուն իմ հայրենեացս մէջ կը ջանամ ողորմելի տղոց ձեռք բունել եւ արուեստ մը սորվեցրնել, որ աղէկ արուեստաւոր ըլլալով՝ երջանիկ եւ հայրենեաց օգտակար ըլլան: Ան տղաք՝ որ աղքատ ծնանելով իրենց ձեռօքն ու բարի վարմանքովն ապրուստնին ճարելու կը հարկադրին, հասարակօրէն աւելի յաջողութիւն կը գտնեն քան թէ մեծատանց տղաք՝ որոնք իրենց ծնողաց հարստութեանցը վրայ վստահանալով՝ աղէկ չեն կրթուիր պատշաճ ուսմունքներն ու արուեստ սորվելու ետեւէ չեն իյնար, եւ ի վախճանի կարօտութեան ու ոզորմելութեան մէջ կ'իյնան: Ըստ հարուստ վաճառականներու աներ տեսայ, որ միայն տղոց կրթութեան պակսութենէն ինկան մնանկացան: Ասոր հակառակ տեսայ նաեւ շատ աղքատ ծնողաց որդիք, որ իրենց մտօքն, աշխատութեամբն ու բարի վարքովը անուն հանեցին եւ մեծ հարստութեան հասան: Բայց պատիւն ու հարստութիւնն ըստ ինքեան ընդունայնութիւն են, եւ ան ատեն միայն օգտակար կ'ըլլան երբոր ընկերին բարիք ընելու կը դորժածուին:

Պարոն Քոսլովեանց քիչ մը լոեց ու ետքը սիրաք շարժած ըստ. Աշխարհը իս մէջ մինակ բանի մ'ալ կը բաղձայի՛ որ երջանկութիւնս կատարեալ ըլլար. բայց չեղաւ: Ո՛հ, անգամ մը հայրս տեսած եւ իրեն ցուցուցած ըլլայի թէ ան բարի սկզբունքները՝ որ միտքս տպաւորեց՝ անպտուղ չեղան: Պատիկ հասակէս ամէն կերպով Աստուծոյ սէրն ու երկիւղը

սրաիս մէջ տպաւորեց։ Միշտ զիս դպրոց կը խրկէր, թէպէտ տան մէջ մեծ կարօտութիւն ունէր ինձի։ Թէպէտ ինչք չունիմ, բայց գըեղ առանց ժառանց զութեան չեմ ձգեր, բռաւ որ մը։ Հիմա սորվածներդեւ իմ հայրենի օրհնութիւնս քեզի բաւական ժառանգութիւն է։ Գործքով ալ տեսայըսածին ճշմարտութիւնը։ Բայց շատ կը ցաւիմ որ իրեն փոխարէն մը չկրցայ հատուցանել։ Շատ անգամ իրեն ստակ կը խրկէի, անգամ մը նաև մինչեւ հայրենիքս դացի զինքը տեսնելու համար։ Բայց դժբախտութեամբ ուշ հասայ։ մահն արգէն զինքն յափրշտակած էր։ Ատկայն կը յուսում որ Աստուած կը հատուցանէ իրեն երկինքը՝ ինչ որ ինք երկրիս վրայ ինձի բռաւ։

Ասոնք ըսելէն ետքը՝ Պարսն Քոսլովեանց լւեց,
եւ առ յիշատակներէն լեցուած աչուրները սրբեց :

Dr. Հայովենի + պատմական լու:

Երկրորդ օրը Պարսն Քոսլովեանյ՝ կոմսին հետ
գետ ի բեղերսպուրկ ճամբայ ելաւ. Դրիդորն ու սե-
նեկապանն ալ հետերնին էին: Ճամբորդութիւննին
շատ յաջող ու զուարճալի եղաւ, եւ կոմսին կարծա-
ծէն շատ շուտ Ուտսիայի մայրաքաղաքն հասան:

Պարսն քոսլովեանց իր ազնուական հիւրն ուղղակի իր տունը տարաւ, որն որ շատ գեղեցիկ էր եւ պալատի կը նմանէր, ու զինքը մեծ հաճութեամբ եւ ուրախութեամբ իր ամուսնոյն ու զաւկիներուն ներկայացուց : Տիկինը՝ շատ անգամ էրկառը բերնէն Սդեռնֆելտի տան ու կոմսին վրայ մեծամեծ գովութիւններ լսած եւ իմացած ըլլալով որ իրենց հարըսթեան ու երջանկութեան հիմք դնողն ան է, ինք իրմէ ելած՝ ինչպէս սէր ցուցընելիքն եւ ինչպիսի ընդունելութիւն ընելիքը չէր գիտեր : Կոյնակէս զաւկը ներն ալ, որոնց ծանօթ էր կոմսին անունը եւ սու-

խակի բոյնին պատմութիւնը, չորս կողմք ժողվուած՝ ձեռուրները կը պազնէին, եւ ամէն կերպով իրենց սէրն ու յարդութիւնը կը ցուցընէին:

Ճամբօրդութեան յոգնածութենէն հանգչելէն ետեւ՝ տանտէրը կոմսին գլուխն եկածները եւ զինքն ինչ կերպով գտնելը պատմեց: Ամէնքն ալ մտադրութեամբ մտիկ ըրին, եւ իրենց բարերարին քաշած նեղութիւններուն վրայ ունեցած ներքին ցաւերնին յայտնելէն ետեւ՝ հիմա զինքը տեսնելով զգացած ուրախութիւննին ալ ցուցուցին:

Ազնուական ընտանեաց առաջին փոյթն եղաւ կոմսին աստիճանին պատշաճ եղած զգեստներն ու ձերմկեղէններն հոգալ: Դուք, ըստ Պարսն Քոսլովեանց, երկու անգամ ինծի զգեստ հոգացիք, իրաւունք է որ ես ալ հիմա ձեզի հատուցում ընեմ: Իսկ տիկինը կը զրուցէր. Ինչ որ ձեր մայրն ու քոյրերը՝ մարդասիրութեան համար իմ էրկանս ըրին, նոյնը պէտք է որ հիմա ես ալ երախտագիտութեան համար ձեզի բնեմ:

Տօնէպէտ եւ կոմսը կ'ուզէր ձմեռ չեկած՝ ճամբայ ելլել եւ հայրենիքը դառնալ, բայց զանազան պարագաներ վրայէ վրայ գալով՝ ստիպուեցաւ բոլոր ձմեռն հոն անցընել, եւ հազիւ կրցաւ գարնան բերքերսպուրիկէն ելլել:

Ճամբայ ելլելուն առջի իրիկունը՝ Պարսն Քոսլովեանց կոմսն առաւ իր կառքերուն կայարանը տարաւ, եւ ճամբօրդութեան աղուոր կառք մը պարզեւ տալէն ետքը՝ ծիծաղելով մ'ըսաւ. Կը տեսնէք ինչպէս Աստուծոյ իրկած դժբախտութիւնները միշտ հետերնին բարիք ունին: Տարիներով յառաջ պատահած դժբախտ դէպք մը, Սդեռնֆելտի ճամբուն վրայ անիւններնուդ կոտրիլ՝ այս օրուան օրս ձեզի նոր կառք մը կը հոգայ: Լծուելու ծիերն ապսպրուած են, Համապուրկ հասածնուդ պէս՝ երեւելի վաճառաւ-

կանի մը քով պատրաստ կը գտնէք։ Առ ըսելով նոյն վաճառականին անունն ու տեղն իմացուց։

Երթալու օրը Պարոն Քոսլովեանց՝ կոմսին ձեռքը ոսկով լեցուն քսակ մը դրաւ։ Իրարմէ զատուել նէս յառաջ, բաւ կոմսը, հարկ կը սեպեմ ձեր ինծի ցուցրցած վեհանձնութեան ու ազնուականութեան համար իմ խորին երախտագիտութեանս ցոյցքերը նորոգել։ Հաւատացէք որ աս երախտագիտութեան բոցը՝ միայն իմ կենացս հետ կարող պիտի ըլլայ մարիլ։ Միայն թէ զրուցեցէք թէ ինչ եղանակաւ կը բաղձաք որ ձեր ինծի համար մինչեւ այս օրս ըրած ծախքը վճարեմ։

Վտոր խօսքը մի՛ ընէք, պատասխանեց Պարոն Քոսլովեանց։ Նոյն ստակն աղքատ գերդաստաններու օդնութեան գործածեցէք, մանաւանդ այնպիսի տղոց՝ որոնք արուեստ մը կ'ուզեն սորվիլ ու միջոց չունին։ Աղքատաց տուածնիս՝ փոխանակագիր մընէ, որն որ մեզի անդիի աշխարհքը կը վճարուի։

Իսոլոր ընտանիքը մինչեւ նաև՝ կոմսին հետ մէկտեղ դացին։ Պարոն Քոսլովեանց սիրով ողջագուրեց իր հին բարերարը. իր ամուսինն ու որդիքն ալ մերձաւոր աղդականէ մը բաժնուելու պէս՝ ցաւով բաժնուեցան։ Նաւը խարիսխը վերցուց. բայց խել մը ժամանակ հայրը, մայրն ու որդիքը դեռ երթաք բարովի նշանները կը շարունակէին, եւ ան իրենց երջանկութեան հիմը դնող ազնուական մարդուն կենդանութեանն ու յաջողութեանը համար եռանդագին խնդրուածներ կը մատուցանէին։

Կոմսն առանց փոքր դժբախտութեան մը իր դղեկին մերձակայ քաղաքը հասաւ։ Հոն իմանալով որ ծնողքը զինքը մեռած կը կարծեն, պատշաճ համարեցաւ զանոնիք յառաջադոյն իր դալստեան պատրաստել։ Ուստի Ստեռնֆելտի քովի կալուածքին տիրոջ տունը դնաց, որն որ իրեն աղայութեան բա-

ըեկամբ տեսնելով՝ մեծ ուրախութիւն ունեցաւ։ Քիչ
մը խօսելէն ետեւ՝ որոշեցին որ տան տիկինն ու իր
քոյրերը Սդեռնվելտի դղեակն երթան, եւ ամենայն
կարելի զգուշութեամբ կոմսուհին եւ իր աղջիկներն
աս ուրախալի լրոյն պատրաստեն։

Այրոր պատշաճ ատենին կոմնը դղեակն եկաւ,
կոմսուհին ինքիրմէ ելած՝ պլատեցաւ սիրելի որդւոյն՝
որուն վրայ այնչափ ժամանակէ վեր անդադար կու-
լար կ'ողբար, նոյնպէս աղջիկներն ալ սիրելի եղայր-
նին տեսնելով՝ ուրախութեան աղաղակներով օդը
կը հնչեցընեին։ Բոլոր երեսները զուարթացած եւ
ամենուն աշուրները քաղցր արցունքներով լեցուած
էին։ Երբ որ ուրախութեան առջի սաստկութիւնն
անցաւ, ամենն ալ կոմնին աղաչեցին որ իր ձախոր-
դութեան ու զարմանալի աղատութեան պատմու-
թիւնն իրենց պատմէ։ Կոմնը խնդիրքնին կատարեց,
եւ զլիաւորաբար այնպիսի կենդանութեամբ նկարա-
գրեց ան պղափկ խեղճ հովուին սերն ու երախտագի-
թիւնը, որն որ անանկ մեծ հարստութեան հասած
էր, որ ամենուն սիրտը սաստիկ շարժեցաւ։

Այսուգիւ, բատ ներկայ ըլլողներէն մէկը, մեծ ե-
րախտագիտութեան օրինակ, որն որ շատ քիչ կը
դանուի, եւ պէտք է մարդկութեան ամօթովը խոս-
տովանիլ՝ որ քիչ մարդ կայ որ իր բարերարին ե-
րախտագէտ սիրտ ունենայ։

Աս մտածութիւնը զմեզ երբեք պէտք չէ արգելել
ձեռքերնէս եկած բարիքն ընելու, պատասխանեց
կոմսուհին։ որովհետեւ թէ որ ըրածներնուս հատու-
ցումն աս աշխարհքիս մէջ ընդունելու շըլլանք՝ ան-
դիի աշխարհք ստուգիւ կ'առնենք։

Ց Ե Կ

Ա. ԱՎԱԲՆԻ, ԿԱՄ ԲԱՐԵԲԱՐՈՒԹԵԱՆ ՎԱՐՉՔՆ ՈՒ	
2ԱՐՈՒԹԵԱՆ ՊԱՏԻԺԱԼ	
Ա. Բարեսորտութիւն :	1
Բ. Աղաւնին բարի օրինակ :	3
Գ. Ընկերութիւն :	6
Դ. Երկու ուխտաւորք :	9
Ե. Աղատութեան միջոց :	14
Զ. Աղատութիւն :	18
Է. Զիմենով ճիւղ :	24
Բ. Յովշաննես ՎՈՒՏՍՈՂՆ, ԿԱՄ ԶԱՐ ԸՆԿԵՐ-	
ՆԵՐՈՒ ՎՀԱՍԽԸ :	28
Գ. ՇՈՒՆ, ԿԱՄ ՀԱՄԱՏԵՐՄՈՒԹԻՒՆ :	38
Դ. ՍՈՒԾԿ, ԿԱՄ ԵՐԱԽՏԵԳԻՏՏՈՒԹԻՒՆ :	
Ա. Հոգիւ տղայ :	49
Բ. Սոխակի բոյնը :	54
Գ. Քաղցր զարմանք :	56
Դ. Կառագործ :	59
Ե. Ռուռաստանի արշաւանք :	62
Զ. Անձանօթ բարերար մը :	68
Է. Կոմսին՝ խրճլթին մէջ անցուցած կեանքը :	72
Ը. Մեկնութիւն :	75
Թ. Հայրենիք դառնալը :	81

